



6

22-f

6

Donum Authory



6-22-f-6

2

.

2





EPICEDIUM
PRO IMMATURO FUNERE
MARIAE
CLEMENTINÆ
Magnæ Britannia, &c.
REGINÆ.



THE

NEW

EDITION

OF

THE

NEW

EDITION

OF

THE

NEW

EDITION

OF

THE

E P I C E D I U M
PRO IMMATURO FUNERE
MARIAE CLEMENTINÆ

Magnæ Britanniae &c. Reginae:

SIVE POTIUS EPINICIUM

Pro relata ab Ipsa de Mundo, Ejusque pompis, victoria :
continens Parentalia, E I D E M

A CLEMENTIS XII.

FELICITER REGNANTIS

Pontificis Opt. Max. munificentia;

Majori utrūm Urbis mænore, an plausu nescias, perfoluta



AUCTORE SACERDOTE

D. JO: FRANCISCO CASABIANCA

Ex Nob. Familiis Regni Corsicæ, Philos. ac Sac. Theol. Doctore,
& in Romano Sapientiæ Archigymnasio, Academico.

DICATUM Eñno, & Rñno PRINCIPI

NEREO CORSINO

S. R. E. CARDINALI DIAC.



R O M Æ, M. DCC. XXXVIII.

Typis Jo: Baptistæ Caporali, propè Sanctum Marcum.

SUPERIORUM LICENTIA.



(V)

Erño, & Rño Principi

N E R E O S. R. E.

CARDINALI CORSINO,

CLEMENTIS XII.

Felicitèr Regnantis

PONTIFICIS OPT. MAX.

NEPOTI EX FRATRE, DIGNISSIMO,

Jo: Franciscus Cafabianca Felicitatem.



AS elucubrationes, Eminentissime Prin-
ceps, de Funere & Virtutibus MARIÆ
CLEMENTINÆ, Magnæ Britannicæ
Reginæ, cui dicarem, non admodum
extitit anceps animus. Cui enim potius,
quàm Eminentie Tuæ, de MARIA

CLEMENTINA opus inscriberem, quæ vivens tum
SS. Patruo tuo CLEMENTI XIJ. Pont. Opt. Max.

tum

tum Tibi adeò accepta fuit: Mortua autem unanimi utriusque consilio & voluntate, tantâ Urbis significatione, tantâque honoris magnitudine decorata est; ut Defuncta magis in feretro, quàm in Throno vivens effulserit? Etenim quæ pompa lugubrior, nobiliorque in efferendis Regibus species? Quæ in agendis victoriis de hostibus profligatis celebritas spectatissima valeat sepulchrali honori in Funere **MARIÆ CLEMENTINÆ**, vel aliquali dumtaxat similitudine comparari? Quid enim in hunc usque diem, vel ingeniosissima commenta est ars, quod summo cultu, summoque honore in persolvendis Reginae defunctæ exequiis, Patruï tuo ter maximi, & si vis, Tua etiam, beneficentia, non voluerit executioni mandari? Quis universæ Urbis in unum confluentis, Parenti optimæ gratiâ parentandi, communis plausus; ita ut numquàm antea actis Sæculis, nec cum catenatos in majorem triumphi speciem devictos Reges pertraheret, nec cum de universo terrarum Orbe suæ ditioni subacto clarissima trophæa erigeret: Sicut die illa, quæ ex Basilica SS. Duodecim Apostolorum ad Limina Divi Petri Regium **MARIÆ CLEMENTINÆ** Cadaver delatum est, se ipsa major visa sit, nec esse conata fuerit? Quid plura? Ea fuit tum Urbis significatio, tum Patruï tui, Tuæque, in eo exornando funere munificentia; ut Parentalia illa non fuvus, sed triumphus magnificentissimus, jure quidem merito, fuerint nuncupata.

Du-

(VII)

Duplex hinc opus prodiit de Funere **MARIÆ CLEMENTINÆ** tribus ab hinc annis, summo Urbis mœrore, è vivis ereptæ. Alterum Congregationis de Propaganda Fide: Alterum **CLEMENTIS XII.** Pont. Max. Patruī tui jussu editum. Alterum partim strictâ; partim solutâ: alterum solutâ undequaque oratione, **MARIÆ CLEMENTINÆ** virtutes maximas per quàm venustè commemorans: primumque à pluribus Idiomatibus in Italicum metrum, ad faciliorem omnium captum, calamo non inferiore traductum. Utrumque enim verò opus, supra quàm dici possit, numeris omnibus absolutum. Utrumque etenim totidem linguis, quot verbis, *Reginæ defunctæ res præclarè gestas ob oculos circumferendo; ubique terrarum, ubique gentium concelebrat.* Qua de re Urbi, quinimò universo terrarum Orbi, quàm gratum utrumque contigit! & quàm frequenti obtutu, omnium oculis perlustratur; in quo, gemino veluti in speculo, **MARIA CLEMENTINA** vivens quodammodo circumspicitur! eòque libentiùs ab omnibus utrumque opus evoluitur, quò magnificentius in utroque enitet maximi tui Patruī, tuæque simul, non dicam liberalitas; sed in *Regio MARIÆ CLEMENTINÆ* funere, splendidissima munificentia.

Neque obtreſcet hîc aliquis: si hæc ità se habent, ut ornatissimè in utroque nupèr edito opere, **MARIÆ CLEMENTINÆ** virtutes eniteant: ad quid tertium etiam

(VIII)

etiam hoc opus addere? Ad quid nova hac rudi barbarâque dicendi methodo, Reginae defunctæ laudes tenebris potius denigrare, quàm illustrare? Numquid perfectissimis rebus perfectius quid addi potest? Quid verò? An non quacumque vel disertissima facultate superiora sunt Reginae defunctæ merita; ut, summis licet laudibus extollantur; numquàm tamen, ut par est, valeant commendari? Ea enim verò est omnium de **MARIÆ CLEMENTINÆ** virtutibus opinio, eaque æstimatio: ut, licet semel atque iterum vel eruditissimis calamis fuerint exarata; tertio nedum, sed centies milliesque uberiori in dies, si fieri possit, ingenio extollendæ quàm magnificentissimè censeantur.

An non digna est, quæ quotidie magis terrenis laudibus celebretur, non humana (suprà enim omnem naturæ humanæ conditionem prætergredi visa est) sed divina illa propemodùm virtus: quæ non solum Urbem, quæ, Deo sic disponente, ejus virtutum theatrum extitit; Sed totum, quæ latè patet, terrarum Orbem in maximam sui admirationem attraxit? Quomodo itaque temporibus nostris non extollatur; quorum oculis tandiù tot virtutum Sol nitidissimus coruscavit: qui toties irradiantis adeò lucis immensum pelagus inspeximus & admirati sumus quàm maximè? Venturæ idcirco ætati oscitantiam desidiâque nostram criminandi quàm justissimum motivum foret; nisi ab
omni-

omnibus; ea qua possumus dicendi arte, tantæ Reginae laudes typis cudantur: ut, quæ ab uno licet atque altero concinnatæ, numquàm tamen satis pro meritis; à pluribus saltem, adauctis in dies encomiis, concelebrentur. Non liberalitatis igitur munus ultroneum; sed strictæ justitiæ, **MARIÆ CLEMENTINÆ** meritis debitum persolvere nitor; dum aliorum plausui plausum hunc, vel exilem omniumque minimum associare contendo: tùm, ut de vitâ & morte **MARIÆ CLEMENTINÆ** opus egregium, Sanctissimi Patruï tui jussu editum, inter unum & alterum effulgeat; tùm, ut Reginae defunctæ meritis, tuo etiam, qui par Regibus dignitate præfulges, penè dixerim superbum nomine, prodeat opus. Congruum etenim, ne dicam debitum, est; ut à similibus similes, pares à paribus honorentur.

Suscipe itaque, **Em̃e Princeps**, eâ qua polles animi benignitate atque vultus hilaritate hoc meæ servitutis vectigal, tenueque hoc devotionis meæ argumentum, & in tui nominis Clientelam adscisce opus, quod quantumvis insulsum, quantumvis rude; si tui nominis patrocinio suffultum prodeat, à nemine non legetur. Demùm si quid à me maximâ tui Patruï, tuâque munificentia, Regiâ **MARIÆ CLEMENTINÆ**, atque Regis **JACOBI** dignitate, Regionumque Filiorum virtutibus, minùs dignum exaratum dictumque fuerit: ante pedes in primis **SS. Patruï tui**, necnon genibus provolutus ante maxi-

num JACOBUM Regem , Regiosque Filios , atque Eminentiam tuam , cum ab impari adeò instrumento melius quid prodire minimè potuerit ; ut benignissimè , pro animorum vestrorum ingenitâ urbanitate parcatis ; huncve ausum temeritati proximum condonetis , etiam atque etiam rogo & obtestor . Hoc si feceris , & ab aliis quoque fieri curaveris , maximam tuæ in me clementiæ arrham habebō ; Tuncve Eminentiae Tuæ humillimum , obsequentissimum , & addictissimum Servum potiori jure esse gloriabor . Vale .

BENEVOLO LECTORI.

NE dedigneris , amice Lector, hosce me os modulos super Paternalibus *MARIÆ CLEMENTINÆ* suscipere. Neve mireris, si serò adeo egredior, ita ut intempestæ noctis tempore egressus, in atris tenebris versari videar. Id enim in causâ fuit; quia tunc temporis, quo, acerbo adeò fato *MARIA CLEMENTINA* nobis prærepta est, in Romani Lycæo Collegij Theologicis disciplinis operam dantem, Musarum ingredi Parnassum haudquaquàm vacavit. Quamquàm enim verò mihi videor tempus nactus oportunum, si serotinum, adeoque nocturnum appellas: non nisi etenim nocturno tempore Nycticorax solet vagari. At scio, inquires: Olorum est de Heroibus, maximè Regiis, modulari. Utique & ego fateor. Ast inter Olores quandoque & Cornix solet obstrepere; & in harmonicis organis dissona stridet chorda nonnumquàm. Ego itaque, qui cum Oloribus, pro modulo ingenii mei, modulari non valeo: sicut Cornix obstrepere, & discors velut chorda stridere minimè destiti. Scias igitur, me non studio modulandi, à quo meum maximè peregrinatur ingenium; sed devotionis meæ dumtaxat gratiâ testificandæ tum in *CLEMENTINAM*, tum in Illos, de quibus incidentèr nonnihil etiam locutus sum, ausum esse in amœna Parnassi culmina pedem inferre. Si enim tanti faciebat Deus primitias cujusque rei, ut primos sibi offerri agnos segetesque sæpe mandaret: Ego qui studium meum in *CLEMENTINAM*, *JACOBUM* Regem, Regiosque Filios, necnon in maximum Mæcenatem meum, qui omnes debitum sibi officium nulum non faciunt, significantius præferre non poteram; hæc me in-

(XII)

genii primitias obtuli venerabundus. Igitur si elucubratio non arri-
det; nihil enim habet quo placeat: neque enim eò dementiæ mens
Auctoris devenit, ut speret hæc oscitantèr admodùm elaborata car-
mina, potiùs dixerim Solæcismos, vel uni minimùm placitura; satis
etenim superque Auctori est, si magnoperè non displiceant: Quam-
obrem quod de se demissè admodùm sentiens scripsit Ovid. *Trist. lib. 1.
eleg. 6.*, id Ego ab ipso mutuatus, humili hic supplicique transcribo
calamo, tibi que cum ipso loquor:

Et veniam pro laude peto; laudatus abundè,

Non fastiditus si tibi, Lector, ero.

Attamen, si & me fastidias, ut plurimùm certè fastidies; & opus tibi
undequaque displiceat: placeat argumentum, Heroes placeant, qui-
bus te etiam maximè devotum censeo. Vale.

*Demùm hinc Te monitum velim, amice Lector, ut sequentia cit. pa-
ginis legas.*

Pag. XXI. vers. 1. Non es pollicitus, Superum plaudente Senatu?

Pag. XXXIV. vers. 6. Hinc Populus, Procereque omnes, &c.

Pag. XXXX. vers. ult. Jura mari Ægeo, &c.

Pag. XLIX. vers. 3. Dum sacras Ædes, & plurima Tempia subiret.

Pag. LXIX. vers. 4. Lætoque extollit vertice, &c.

Pag. LXIX. vers. 2. & pag. LXXI. vers. 2. Æthiopes.

In ceteris ingenii mei imbecillitatem excusatam habeas rogo.

Pag. XXI. vers. 22. Ter læti cecinere Chori, &c.

Pag. XLII. vers. 10. Sat lacrymæ ex oculis profluere tuis.

Pag. XLVIII. vers. 14. Mœstus Te flebat Turtur, &c.

Pro-

Protestatio Auctoris .

Cum felic. record. Urbani VIII. quodam suo Decreto, anno Domini 1631. die 6. Junii statuerit, in Flogiis Personarum, quæ cum opinione sanctitatis decesserunt, nondum autem Sanctorum, aut Beatorum syllabo adscriptæ: multo verò magis, - si nec Ven. Servorum Dei titulo decoratæ sunt, apponi protestationem Auctoris, quod eorum omnium, quæ in dictis Flogiis continentur, fides sit penes ipsum Auctorem; & nihil intelligatur innovari de illis, donèc accesserit Decretum Apostolicæ Sedis de earum sanctitate, vel veneratione illis exhibenda. Huic Decreto, aliisque hujusmodi quàm obsequentissimè morem gerens, apertissimè profiteor protestorque, per hæc omnia, quæ inferius de MARIA CLEMENTINA, ejusque virtutibus recensentur, nihil certitudinis addi opinioni Eiusdem sanctitatis, quæ cum decessit: sed spem nostram, humanamque existimationem, quæ piè credimus (si etiam sis sit ita loqui) ipsam in Cælos evectam esse, eodem omnino inniti fundamento, ac priùs; & veluti si hæc nunquam edita fuissent in lucem.

Insuper & hæc legas locis cit.

Pag. XXX. vers. 17. Fata nec incusant, &c.

Pag. XXXI. vers. 5. Lugete Extinctam Pueri, lugete Puellæ?

Pag. XL. vers. 17. Utque feros quatiant pia Cæsaris agmina Thracæ.

Pag. XLII. vers. 6. Tanto perculsus vulnere, jure gemis.

Pag. L. vers. 25. Nam olim, dum erat Illa superstes.

Pag. LXXVII. ver. 1. Templâ ubi tuta diù, vasto procul Orbe Getarū.

Pag. LXXVIII. vers. 3. Ingredior, ponamque meas hæc pectore sedes. *

Ibi vers. 11. Templâ tibi quæris, terris expulsa Getarum?

* Claud. lib. 2. de laud. Stil.

(XIV)

IMPRIMATUR,

Si videbitur Reverendissimo Patri Sacri Palatii Apostolici
Magistro.

Phil. Episc. Pisaurensis Vicesg.

A P P R O B A T I O.

LEgi hoc EPICEDIUM omni diligentia, & nihil in eo mihi
visum est contra Fidem, & bonos mores.

Jo: Bottarius.

IMPRIMATUR,

Fr. Joachim Pucci Magister Socius Sacri Palatii Apostolici
Magistri, Ord. Prædic.

(XV)

MARIA CLEMENTINA

Graviter decumbit,

Moritura Natos Virumque alloquitur,

Sese Domino commendat, tandemque moritur:

DEFUNCTÆ IN EXEQUIIS PERSOLVENDIS

A CLEMENTIS XII. MUNIFICENTIA

Mandantur honores quàm splendidissimi.

C A R M E N.



In sandum, Regina, jubes renovare dolorem,
Meste Urbis lacrymas, & lamentabile fatū,
CLEMENTINA, tuum: Te, læto ut flore juventæ,
Sive Amor, aut Parcæ tulerint; & præcoce fato
Merferit atra dies feretro. Quis talia fando,
Aspera vel duro gestans præcordia ferro,
Temperet à lacrymis? Largo quis lumina, primùm
Percipiens, fletu abstineat? Quis durior omni
Tigride, non magni exhibeat monumenta doloris;
Et non Reginæ lacrymetur nomen ademptæ?

Jam

(XVI)

Jam novus auricomum Cēlo caput extulit annus
(Duodecimi CLEMENTIS quintus) (semper acerbus,
Semper honorandus, tulerant sic fata, recurret.)
Jamque rigens Arctos nivium diffuderat urnam,
Et gelidis quatiebat hyems Aquilonibus Orbem,
Cum CLEMENTINÆ flagrans præcordia febris
Irruit, atque æstu accenso depascitur artus.

Sollicito intereà percepit pectore CLEMENS
(Prosperè adhuc regnans, toti qui præfidet Orbi,
Atque Dei in terris munus qui præstat; & ultrà
Det Deus, ut longum præstet: nam maximus Urbi,
Atque Orbi verè clemens ac optimus idem est)
Reginam febris exuri: cum protinùs Urbem
Ferre jubet pia vota Deo. Tunc excita jussu
Pontificis tanti; & propriis præservida votis,
Ante aras Urbs tota ruit: supplexque precatur
Quisque Deum, vitæ Dominum mortisque futuræ.

Coelicus hinc Panis Templis exponitur; illic
Publica vota Deo fiunt: & lumina mille
Mille faces ardent aris, & thura cremantur.
Omnibus idē animus, mens, voxq; est omnibus una:
Reginam incolumem fervet Deus, Urbis amorem,
Prodigium cunctis Populis, Orbisque decorem.

Ast quoniam placitus Cœlo, placitusque Tonanti
Spiritus ejus erat (1); necnon Divina voluntas

Regi-

(1) *Placita enim erat Deo anima illius.* (Sap. c. 4.)

(XVII)

Reginam induci Superis ; & reddere factis
Proemia digna suis : morbi vis crescit , & ardor
Usque adeò febris cor molle intensius urit ;
Spiritus inferri ut tandem sit proximus astris .

Quis tibi tunc sensus cernenti talia , celsi
Aligerum pia turba Poli ? Quæ gaudia menti ,
Vel quæ tristities ? Superi , vos dicite : qualis
Pugna voluntatum , studia in contraria , Cœli ?

Prima hîc ante omnes, cordi cui maxima cura est,
Sistitur alma Fides Domino , sicque orsa perorat :
Ergo ne tam celeri cursu , florentibus annis ,
Religionis honos , virtutisque omnis Imago ,
CLEMENTINA mori ; jamjamque est proxima fato ,
Jussa , Pater ? Tanta hæc igitur tam protinus altrix
Occiderit Regina mei ? Quampluribus ergo
Sontibus , atque Reis infandi criminis , & qui
Indecores vivunt annos per furta rapinasque ,
Ultrò vita datur ; vitiisque annisque senescunt ?
Hæc autem , quia fida mihi , Cœloque , tibi ;
Replevit pulchris totum virtutibus Orbem ;
Aurea jam rursus retulit quæ sæcula terris :
Ictu intempesto mortis , melioribus annis ,
Victima facta cadet, viduamque reliquerit Urbem ?
Quid juvat egregio Regno , Solique Coronâ
Posthabitâ , coluisse Fidem ? Quid candida puræ
Mundities vitæ prodest , & maxima virtus ?

C

An,

(XVIII)

An, quia tam rectè vixit, tam vivere parcâ
Olli forte datur? Sic Illa in Sceptra vocatur?
Hic mercedis honos? meritis hæc præmia tantis?
Aspicias, ut lacrymis oculos suffusa nitentes
Urbs tibi chara jacet? viden, ut mœrore tabescens
Hanc sibi servari supplex oretque rogetque?

Aspicias, ut proprii Regni Rex ipse JACOBUS
Damna tulit, fertque usque pius: justissimus unus
Inter mortales, & servantissimus æqui?

Inter at ambages, & tot discrimina rerum,
Sortis & adversæ casus hosce: hoc decus illi,
Hoc solamen adest: tantùmque hoc esse superstes,
Hoc superesse rogat; Sceptri nil cetera curans.

Jacturæ Regni, & Patrii diadematis ergo
Hanc superaddendam patietur mœstior? Absit.
Cum Patre Nati ambo, Matris, per sidera Cœli,
Per quidquid magnâ Cœlis pietate refulget,
Innocuis labris poscunt repetuntque salutem.

Quod meritum tantis precibus! quæ gratia votis!
Gratia num meritis est tantis ulla neganda?

Ulla igitur si vota hominum lacrymæve precesve,
Thuraque adusta movent Numen; si justâ rogamus:

Da, redeat sperata salus; sit vita superstes;

Da, Pater, ut longos ultrâ procedat in annos.

Vivat delictum Natis, Regisque levamen;

Vivat adhuc spes pulchræ in virtutis honorem:

Chara

(XIX)

Chara Deo , ac Orbi vivat ; vivatque Magistra ,
 Vivat in exemplum . . . Nequidquā plurima perdis
 Irrita verba , Soror ; spes & quā pascis inanes !
 Diva Themis Fidei hīc inquit : proluxa querelas
 Cum precibus mīscēs , & spargis fletibus ora .
 Quæ tibi digna satis fraudandæ causa beato
 CLEMENTINÆ obtutu ? ultrā quid vivere terris ,
 Cum precibus lacrymisq; rogas ? Cur pluribus olli
 Cœlorum sedes , & præmia digna moraris ?
 Numquid virtuti , casuræ gaudia vitæ
 Proemia digna putas ? An non sublimibus iste
 Finis inest animis ? An non hūc omnia tendunt ,
 Dudū hūc collimant Reginæ vota precesque ?
 Hūc igitur migrare finas . Florentibus annis ,
 Ast , inquis , moritur ; quando vel Sontibus ipsis
 Non rarò proluxa datur lux sponte . Quid inde ?
 Aut ideo hī vitam ducunt per tempora multa ;
 Ut virtute malum reparent ; meliorque vetusta ,
 Quā fuit ætatis primæ juvenilibus annis
 Luxurians per prata vigor ; se seque reducat
 In melius tandē , letho vicina senectus :
 Vel Justī ut per eos , aurū velut igne , probentur (1).
 At CLEMENTINAM rectē vixisse , vel ipsa
 (Nec loqueris nisi vera) Fides es falsa . Quid ergo

C 2.

Cœ.

(1) *Omnis malus aut ideo vivit , ut corrigatur : aut ideo vivit , ut per illam bonus exerceatur . (D. August. in Psalm. 54.)*

Cœlorum visu fraudas ; meritâque Coronâ ?

An Soror ignoras , lux quod non longa , nec anni
Prolixam vitam faciunt : sed maxima virtus ?

Atque diu vixit , pietas cui vita peracta ;
Et paucis pietas annis est longa senectus ? (1)

CLEMENTINA igitur , virtus cui vita ; vel ævo
Consummata brevi , complevit tempora multa .

Et Juvenis cadat illa licèt , jam traditur illi
Pro fragili vitâ , vitæ melioris origo .

Eximio at Regno caruit Regina . Quid inde est ?
Pro terræ Regno cœlestia Regna dabuntur .

Candida mundities , atque ejus maxima virtus
Gloria major erit , meritis æquata Corona .

Rex mœret , Natique dolent ? Sed causa dolendi
Nulla illis ; recreet potiùs quos læta voluptas .

CLEMENTINA Polum veniens , gaudensque beato
Intuitu , summi supplex ante ora Parentis ,

Ipse suis precibus Natos in Sceptra vocabit ;
Et Reges Regno statuet , rebusque Secundis ;

Hæc si , Diva Fides , æquatâ lance librabis :
Quod tibi jus ; cœli sedem , Regnique beati

Ut CLEMENTINÆ Solium , Sceptrumque moreris ?

Hęc ubi verba dedit Fidei Themis alma ; supremo
Cœlicolum Regi , prono sic ore profatur :

An non sic fieri fas est , Rex optime ? Numquid

Non

(1) *Senectus non diuturna, neque annorum numero computanda* (Sap. c. 4.)

Non es pollicitus transactis ante diebus ?
 Num tibi versa , Pater , retrò est sententia ? An ista
 Divinæ frustrata manent oracula mentis ?
 Si jus ergo facis , reddis si præmia Justis ;
 Fac CLEMENTINÆ meritorum præmia reddam .

Audiit Omnipotens pulcherrima bella Sororum
 Pro CEMENTINÆ studiis : Hæc vivere rursus
 Nixa rogat : tantis meritis dare præmia , contrà
 Hæc petit . Ille toro consurgens talibus infit .
 Parce metu Themis alma : manent velut ante fuerunt ;
 SOBIESKI fata in coelis ; absiste precari .
 Nec mihi versa retrò , Nata , est sententia ; necdum
 Divinæ frustrata abeunt oracula mentis :
 Fac CLEMENTINÆ tribuatur justa corona .

Inde Fidem verbis istis solatur amicis :
 Ne doleas , mea Nata ; tuæ si præmia dantur
 CLEMENTINÆ ; si que die hac super astra vocatur :
 Jamdudum æternâ digna est quæ luce fruatur .
 JACOBUS sed restat adhuc , Natique supersunt
 Religionis honos : redeat concordia menti .

Dum Solio è summo loquitur Rex magnus Olympi:
 Ter læti cecinere Poli ; ter clarus ab alto
 Aligerum , resonante lyrâ , dedit ordo choreas :
 Reginam , ut cepit , cœlestia ad astra vocari .

Numinis æterni postquam patefacta voluntas ;
 Fit CLEMENTINÆ membris intensior æstus ,

Pro-

(X XII)

Proxima sitque mori: serpit jam pallor in ore ,
In vultu macies , & plurima mortis imago .

Hæc ubi lethiferam circùm præcordia febrim
Sensit , & extremam properantis funeris horam
Adventare sui : Sponso , Natisque vocatis
Ad se se ; forti atque hilari sic ore profatur .
Blanda mei cordis , Nati , dulcisque voluptas ;
Dimidiumque mei , Vir mi ; fat viximus : ergo
Proxima sum fatis ; totius proxima terræ
Ingrediorque viam (1) . Tituli , non Sceptra , nec aurū
Vim Fati superare valent : Quin protinus ista
Mors rapit , ac falce abscindit ; tumuloque sepulta
In nihilum redigit : virtus at maxima solūm
Post cineres vivit , remanet post fata superstes .
Hæc sequitur vitâ functos , hæc una beatos
Pro meritis , quæ quisque tulit , super astra coronat .
Nati , igitur rebus ne spem ponatis in istis .
Ad Cœlum semper cunctis contendite votis ;
Et vitæ gressu Cœlum sit finis in omni .
Sit vobis cordi pietas , probitasque , Fidesque ;
Sit cordi semper ratio justissima recti .
Nec longè nimium vobis exempla petenda :
Patris , in hac terrâ , vitam ducatis ad instar ;
(Hoc moneo , hoc hortor) vestrū quoq; vivere semper
Sit non absimilis , tanti Genitoris Imago .

Tu-

(1) *Ingredior viam universæ terræ . (Reg. 3. cap. 2.)*

Tuque Vir, egregium virtutum exemplar, & omnis
 Justitiæ speculum, longo qui dignior ævo;
 Tu pietate tuâ, Patriis virtutibus ambos,
 Ut facis, instructos edoctosque excole Natos;
 Atque vices Matris, melius, quàm Mater, obibis.
 Pars, ò Sponse, mei melior: mea pignora, Nati,
 Durate, & vosmet rebus servate Secundis;
 Nilque meâ est vobis festinâ hac morte dolendum:
 Namque mei in vobis, Mundi licèt abditæ ab oris,
 Pars melior potiorque manet: Quin tota superstes
 Functa licèt vitâ, gaudebo munere vitæ,
 Vir, Nati, in vobis: ausim quin dicere; triplex,
 (Tantû vester amor poterit)(namq; optime Conjux,
 Altera Ego es; bis Ego, Nati) vel funera post hæc
 Convivam: mi Sponse vale, Natique valete.

Atque ubi complexu charis dedit oscula Natis;
 Amplectensque iterum, Nato benedixit utrique:
 O super ambobus firmet benedictio Cœli
 Hanc, ait, alma meam! Cognata hinc sidera versûs
 Assiduo fletu rorantia lumina vertit;
 Languentisque sono vocis tum talia fatur.

Syrtibus heu quantûm cæcis, scopulisque refertû!
 Est mare vita hominis: passim proh qualibus illa
 Fluctibus impetitur, rapidis agitata procellis!
 Sunt undæ lacrymæ, venti suspiria: Navis
 Nostra istis ventis quantûm jactatur, & undis!

Flu-

(XXIV)

Fluctibus accedunt fluctus : nondùmque rēfedit
Mota procella prior : mox altera oborta carinam
Aggreditur ; laceramque vadis illidit & æflu .
Sēva Rates hinc Scylla fremens, hīc dira Charybdis
Obsidet : immani rictu barathroque profundo
Naufraga ligna vorant : mille hinc, mille inde dolose
Sirenes blandi , Nautas , dulcedine cantus
Heu quot decipiunt ! Cautus vix unus Ulysses
Cum fociis , modulis fallacibus obstruit aures .
Quid , si nostra Ratis tantis concussa procellis ,
Ambitione tumens , fastuque elata superbo
Per maris alta petat ? Quid , si temone revulso
Quasque velit cæcas puppi transcurrere Syrtes ?
Stantibus idcirco his scopulis , atque undique latē
Cautibus horrendis , æstuque frementibus undis ;
Hoc ponto juvat ire procū : cum fævaque passim
Monstra latrent, strepitante mari, cecidi ille juvabit.
Illic ut tandē , Domino donante , salutis
(Divinæ pietatis ea est spes) puppis inermis
Hæc portum capiat : nullis ubi mota procellis
Sistet in æternū , nullis ubi concita ventis
Perpetuam sumet requiem , sospesque manebit .
Pax ubi firma viget : voluit cui littora pacem ,
Et pacem fines posuit Deus ipse (1) : fatigat
Nulla ubi tempestas : glacies ubi nulla , nec æstus :
Sy-

(1) *Posuit fines tuos pacem.* (*Psalm.* 147.)

(XXV)

Syrius unde abiit fervens, & bruma recessit (1).
Hanc animā tollas igitur, Pater optime, quam Tu
Lætitiæ sumptam Cœlis, torrente replebis (2).
Illa etenim dictis lætata exultat in istis:
Ibimus in terram vitæ (3); lætabimur illic
Perpetuis Ver semper olens ubi floribus halat;
Æterni fulgentque dies: ubi nectare colles;
Melle fluunt fontes; distillant flumina lacte (4).
Vitę ubi flumen aquę manat (5); scatet undiq; latū
Lætitiæ irrorans felicem rivulus hortum,
Fonsque voluptatis (6): fluvii quoque floret utrāq;
Ex parte irriguum lignum, quod poma salutis,
Quoslibet in menses, generat, fructusque beatos (7).
Tunc non per speculum, cæca atque enigmata; clarā
Sed facie ad faciem totus Deus ipse videtur (8).
O Amor! oh quantis torres mea pectora flammis!
O Patria! ò Tellus! æternæ ò gaudia vitæ!

D

Quām

(1) Jam hyems transit, imber abiit, & recessit. (Cant. 2.)

(2) Torrente voluptatis tuę potabis eos. (Psalm. 35.)

(3) Lætata sum in his, quę dicta sunt mihi: in Domum Domini ibimus:
(Psalm. 121.)

(4) In terram fluentem lac & mel. (Exod. 13.)

(5) Ostendis mihi fluvium aquę vivę. (Apoc. 22.)

(6) Fluvius egrediebatur de loco voluptatis ad irrigandum Paradisum:
(Gen. 2.)

(7) Ex utrāque parte fluminis lignum vitę, afferens fructus duodecim,
per menses singulos reddens fructus suos. (Apoc. 22.)

(8) Videmus nunc per speculum, & in enigmate: tunc autem facie ad
faciem. (1. ad Corinth. 13.)

Quàm tua pulchra JACOB tentoria! pulchraq; quantū
 Israël alma Domus (1)! Concinnaque castra Sionis
 Quàm dilecta! flagrans jamdudum deficit illis
 Spiritus in castris (2). Mea pars, mea gloria, cordis
 Tu, Deus istius (3). Divinum cernere vultum
 Mens mea, corque meum lætantur (4): Passer in illo
 Invenit ægra Domū, nidū quoq; Turtur anhela (5).
 Hoc Dominum semper petii, semperque requiram,
 Ipsius æternā ut valeam consistere in Æde (6).
 Quàm suave est, Dominū cunctis propè stare diebus,
 Atque hærerere Deo dulce est (7)! Mi spiritus almis
 Quid tibi in astrorum Soliis? quid terra misella,
 Quid tibi Mūdus habet (8)? Mea vota intēdite sursū.
 Quis mihi det, Mundi istius super æquora cursim
 Alba Columba volem, Terræ spatiisque relictis
 Astra Poli teneam, Cœlumq; ingressa quiescam (9)?
 Quamquàm quid meriti est miseræ? Quæ gloria vitæ,
 Ut

-
- (1) *Quàm pulchra tabernacula tua Jacob, & tentoria tua Israël!*
 (Num. 24.)
 (2) *Quàm dilecta tabernacula tua Domine virtutum! concupiscit, &
 deficit anima mea in atria Domini.* (Psalm. 83.)
 (3) *Deus cordis mei, & pars mea Deus in æternum.* (Psalm. 72.)
 (4) *Cor meum, & caro mea exultaverunt in Deum vivum.* (Ibid.)
 (5) *Etenim Passer invenit sibi Domum; & Turtur nidum sibi.* (Ibid.)
 (6) *Unam petii à Domino, hanc requiram, ut inhabitem in Domo Domini
 omnibus diebus vitæ meæ.* (Psalm. 36.)
 (7) *Adhærere Deo bonum est.* (Psalm. 72.)
 (8) *Quid mihi est in Cælo; & à te quid volui super terram?* (Psalm. 72.)
 (9) *Quis dabit mihi pennas sicut Columbæ, & volabo, & quiescam?*
 (Psalm. 54.)

Ut tali ac tanto immeritam me digner honore?
 Sunt alii colaphos, lapides, ludibria, probra,
 Torrentes, ignes, gladiosque, crucesque, rotasque,
 Vincula, supplicii poenas, ac vulnera passi;
 Ut tali tandem fruerentur sorte beati (1).

Ast quid ego mollis tanto pro munere feci?
 Quos ignes, gladiosque, rotas? quæ vulnera mortis
 Pro tantâ mercede tuli? Quæ vincula palmis?
 Vel qua præproperâ maclavit morte Tyrannus?
 Tu, Deus alme, mei clemens miserere: juvamen
 Subsidiumque tuum Sontis miserere petentis.
 Me tibi, & hosce meos.... Referat nunc singula quisquâ,
 Carmine vel repetat morientis verba? Sed illa
 Dicite vos Patres, celebres vos dicite Matres:
 Dicite vos omnes, queis tali assistere morti
 Sors fuit, atque piâ clausistis lumina palmâ.
 Dicite vos sensus teneros, quæve ultima verba,
 Quasve preces Domino, supremo Illa edidit ore.

Dixerat, & sensim perdit moritura loquelam:
 Cum subito juxtâ morientis strata, volantes
 Mors, & Amor juncti properant pernicipibus alis:
 Ambo pharetrati, jaculis instructus uterque:
 Altera pro palmâ mortis contendit: & alter
 Totus stat tali laturus morte triumphum.

D 2

Alte-

(1) Alii quod ludibria & verbera experti; insuper & vincula, & carceres. Lapidati sunt, scissi sunt, in occisione gladii mortui sunt.
 (Ad Hebr. 11.)

Altera Scipiadas, Decios, fortesque Camillos,
 Pompejos, Priamos, Párides, atque Hectora magnū,
 Reginas, Proceres, Regesque, Ducesque, Virosque,
 Annibala, Alcides, Brutos stravisse superbit.
 Alter Aloysios, Franciscos, atque Philippos,
 Dominicos, Thomas, Lojolas, Xaveriosque,
 Magdala, Franciscas, Clarasq; Rosas, Catharinasq;
 Imo & Reginam superum retulisse triumphat.
 Altera Alexandros jactat, jactatque Catones;
 Et tumida, ex multis aliis duxisse trophæum,
 CLEMENTINÆ, inquit, victrice hac falce cadendū est,
 Atque obitū ejus tribuenda est gloria Morti.
 Hic mihi dādus honos: falcemq; hūc versat, & illuc,
 Et ferrugineum chalybem vibrare parabat.

Risit Amor, chalybemq; celer cunctatur, inanes
 Conatus Mortis reddens: hinc fervidus olli.
 Tu ne triumphales referes hoc funere palmas?
 Tuque, tuusque rigor, spoliis induta, trophæum
 Extuleris, vitamque metes Virtutibus? Absit.
 Hinc referas truculenta pedem. Nec plura loquutus:
 Certamen dubii dum fervet utrinque duelli,
 Protinus ex humeris suspensum corripit arcum:
 Casta è missilibus pharetrâ de virgine puris,
 Nobilibus vibranda animis, ignitaque valde;
 Quæ non ignipotens ardenti Mulciber Ætnâ
 Fuserit: at flammis nitidâ Coelestibus arce

So-

(XXIX)

Solus Amor fabricator cudit, Amorque recoxit,
Tela legit: pharetramque manu bis curvat, & arcū
Expedit: ac tandē jāculatur missile telum.

Ocior illa Notis, & fulminis ocior alis,
Aurea transossas pervadit arundo medullas,

Et CLEMENTINÆ extemplō præcordia figit.

Hæc dulci velut in somno sic lumina claudit,

Ut placidè dormire putes: At spiritus olli

Amplius haud superest; Patriis sed redditus astris.

Protinūs hanc postquā defunctam corpore vidit,

Vicimus, inquit Amor: Mors invida vincimur, inquit,

Atque ubi victor agit de victā Morte triumphum,

Se tantū potuisse dolet; lacrymisque dolentum

Adgemit, ac tanto tristis de funere plorat.

Undique discurrens mox pallida Fama per Urbē,

Fama volans, fulmen qua non velocius ullum,

Nō Notus, aut Boreas: quæ, quot sunt corpore plumæ,

Tot vigiles oculos aperit, tot subrigit aures,

Tot linguis loquitur: tanti prænuncia luctus

Reginam occubuisse refert. Quis funere tali

Sat lacrymas, mixto aut referat suspiria luctu?

Mox Proceres tristari omnes, Puerique dolere,

Hinc mœrere senes: Sponsæ, innuptæque Puellæ,

Cumque suis Matres Natis, singultibus aera

Implere, atque omnes longū deflere peremptam.

Plerique in tristes hæc hinc prorumpere voces:

Er-

Ergone belligeri super infortunia Martis ,
 Quo nostra Italia accensa est , Europaque flagrat ,
 Defuit hic casus ? Tantis moeroribus ergo
 Hic superaddendus fuerat , Regina levamen ,
 Totius Urbis Amor , nostri solatia luctus ,
 Ut quoque deficeret ? Spes oh quàm reddis inanes
 Mors, hominū ! Fragiles nimiūm, nimiūmq; fugaces
 Res ò terrenas , similes labentibus undis !
 Heu spes frustratas nostras ! ~~heu~~ heu irrita vota !
 Quid nostræ valuere preces ? Contraria nostris
 Fata bonis ! heu tanti auctrix Mors improba casus !
 Hæc num fors rebus summis , ut summa repentè
 Cæsa cadant ? Terris vixque ostendantur , & ultrà
 Fata haud esse finant : dum nec virtutibus ipsi
 Parcitur , & quidquid reperit Mors invida tollit ?

Cominūs hinc alii melius , non astra queruntur ,
 Fata nec impropere : humili sed voceloquuntur .
 Omnibus à Domino fors hæc est indita rebus ,
 Quæque suā ut sphæram teneat, tandèmq; quiescat .
 Quid super humanam speciem terrenaque cuncta ,
 Atque haustus quidam liquidò Cœlestis in Orbe
 CLEMENTINA, fuit tantis virtutibus ; ergo
 Debuit astra sequi , Divinaque Regna tenere .
 Haud equidem tanto Cœlesti hoc munere Tellus ,
 Atque homines digni fuerant : Hinc astra petivit .

Id minimè tamen exhaurit , quin imo dolorem

Au-

Auget : dum nobis abiit Cœlestis Imago ,
 Atque iterùm Latii terras Astræa reliquit .
 Plorate heu Cives , Inopes plorate : doloris
 Nulla unquàm major nobis causa extitit : ergo
 Lugete heu Pueri cuncti , lugete Puellæ .

Ufq; adeò Urbs plorans tanti monumēta doloris
 Tot dedit : ut letho hoc tristis casuque tabescens ,
 Læsa genas molles luctu confederit atro ;
 Ante dies actos fuerit nec mœstior unquàm ,
 CHRISTINAS, PAULASQ; gemēs. Quid plura? JACOBUS
 Ipse ; licèt Regni , necnon diadematis ampli ,
 Imperturbatis animis ac corde sereno
 Jacturam tulerit ; casu percussus acerbo ,
 Conjuge defunctâ , lacrymas cohibere nequivit .

Maximus at CLEMENS, omnes longè antè dolētes,
 Præque aliis mœstus gemuit ; crudeleque vulnus
 Et corde atque animo claudens , quæ signa doloris
 Non dedit Ille : sui cum Regni, atque Urbis, & Orbis
 Miraclum, meliusque decus, Fideique triumphum,
 Divinumque sibi exemplar conspexit ademptum ?
 Cum lacrymis fletuque genas , atque ora rigaret ;
 Dicitur has tandèm fudisse è pectore voces .
 Omnipotens metuende Deus, qui cuncta gubernas,
 Et vitam lethumque geris ; qui tempus ab ævo
 Ire jubes, stabilisque manens das cuncta moveri :
 Quæ mala tanta paras nobis ? hoc temporis ergo ,
 Quo

Quo tua me indignum voluit dignatio summa
 Ecclesiam regere , & Populis dare jura per Orbem ,
 Tanta cienda fuit tempestas , atque sonoris
 Per mare , per terras turbanda Europa procellis ?
 Nec fatis : heu miseros ! adverso hoc tempore nostrū
 CLEMENTINA decus , morbi tantique levamen ,
 Decessura fuit ? Pacis bellantibus Iris
 Quæ fuerit ? Nostros junget quis foedere Reges ?
 Omnibus at semper præstet tua recta voluntas ,
 Quæ meliora facit semper ; quæve optima semper ;
 Post tenebras lucem condit , Solemque reducit .

Sic fatus , curam hanc animum defixus in unam ,
 Ut CLEMENTINÆ exequias ac funera præstet ,
 Regifico jussit Templum splendere paratu
 Ædis Apostolicæ . Funestæ insignia pompæ
 Quis fando referat ? Famulis astantibus olli ,
 Regalis vexilla Domus tollentibus altè ,
 Stat medio Templi Tumulus : feretrique decori
 Eminent alta nimis , celsi sub fornice Templi ,
 Machina , quam lati vexilli pompa coronat .
 Millia circumdant feretrum ; Regale cadaver
 Millia conflagrant ardentia lumina circum ,
 Mille faces ardent , tædarum millia fumant .
 Extensæ nigræ chlamydes à moenibus altis
 Pendent , atque nigris squallescunt moenia vittis .
 Quid referam varia hæc , illac pendentia muris
Elo-

(XXXIII)

Elogia , epigraphes , luctus ? Encomia laudum
Quidve canam ? Suspensa tholis quid schemata dicā ?
Atratus Templi squalor , monumentaque vitæ ,
Exequialis honos , magis & Regale Cadaver
Dura vel , ad largum compellunt lumina fletum :
Moeniaque ipsa Ædis moestæ , tot signa doloris
Dum tolerant , fociis lacrymis deflere videntur .

Confluit adductis fociis Urbs tota , ruitque
Cum Populo plebs impatiens , & Tempia subire
Quisque avet , atq; alios alius pro viribus urget :
Ipsa tamen nequeunt expleri corda tuendo .
Hinc quia , vasta licèt , capiendis Tempia phalangi
Haud sunt , ante fores armato milite complent ;
Ut Populum possint hastis cohibere ruentem :
Tanta aderat subito numerosæ copia gentis ;
Et CLEMENTINAM devotio tanta videndi !

Tertia ubi æthereum fermè peragraverat axem
Lux nitido Cœlo , sacrum Regale Cadaver
Ædis Apostolicæ ex adytis ad limina Petri
Fertur . Magnificæ quis plenè insignia pompæ ,
Quis fatis excelso splendentia lumina cultu ,
Quisve triumphales illius lucis honores
Explicit , aut valeat complecti tanta loquendo ?
Urbs iterùm congesta ruit : se quisque morari
Nil patitur , trahiturque volens ; lætusq; triumphat
Sit CLEMENTINAM sibi copia facta videndi .

Ite parentatum spargentes fletibus ora

E

(In-

(Inquit Roma dolens) Inopes vos ite, Parenti.
 Magnates Populi repetunt, Procereſque viciffim:
 Urbis miraculum, Virtutiſque omnis Imago
 En tumulo dandum deferitur: ſurgite eamus:
 CLEMENTINA ſibi hæc fieri Regina meretur.
 Hinc Populus, Procereſque ſimul, quâ limina Petri
 Ædis Apoſtolicæ à Templis abſentia diſtant,
 Jam fora, jam plateas, jam compita mille viarum
 Complent; perque vias ſubſellia mille locantur.
 Vix ſe Roma capit, Populus ſic totus abundat;
 Cunctorum Procerum ſic copia tanta coivit.

Transfertur tandèm, Populo ſpectante, Cadaver;
 Cum face quiſque ſuâ, numeroſo lumine, corpus,
 Urbi quantus ineſt, longo ſatis ordine Clerus
 Præcedunt, mœſti faciem, lugubre canentes.
 Ut videt excelfum feretro Regale Cadaver,
 Et charum pignus Populus: diſcernere neſcis,
 An lætus doleat, capiat vel gaudia mœſtus (1).
 Hic dolet illacrymans; plauſum facit ille triumpho.
 Hic CLEMENTINÆ ſeſe commendat: & ille
 In CLEMENTINA ſpem collocat, atque ſalutis,
 Supplicibus votis, donum ſperatque rogatque.
 I decus, i, noſtrum: melioribus utere ſatis
 (Ille ait) atque Deum nobis orare memento:

Va-

(1) Corporis elatio conjunctam cum more lætitiâ offert. (Gregor. Nazianz. Orat. 4. adverſ. Jul.)

Vade , triumphalem Cœli super astra Coronam
 Accipe , & Æternis niteat tua gloria Regnis .
 Hoc tibi vectigal persolvit Roma doloris ;
 Hos tibi cum lacrymis CLEMENS mādavit honores .
 Nam persolvendi existunt hæc , arrha triumphi ,
 Quem tibi descriptæ Sanctorum ritè beatis
 Fastis , non hinc post multò Caput Urbis , & Orbis
 Reddet : perque omnes ibit tua gloria gentes .
 Cetera quid referā ? Narrē quid singula ? numquàm
 Funebres similes vidit Libitina triumphos .
 Quis mihi Mausoli factas pro funere pompas
 Nunc referat ? Taceat vel tellus thuris abundans
 Ipsa suum morem ducendi funera ; quamvis
 Quidquid thuriferis spirat Panchaja silvis ,
 Quidquid odoratus longè blanditur Hydaspes ,
 Quidquid ab extremis ales longæva Sabæis
 Colligit , Herois letho hæc insumat in uno ;
 Corpusque Exanimis nabathæo involvat odore ,
 Inque rogi busti gemmarum pondera fundat .
 Pro CLEMENTINA visa est se vincere Roma ,
 Magnificumque omnem celebrandi funera morem
 Vincere ; præteritos quin vincere quosq; triūphos :
 Tanta fuit pompæ species , majorque videri
 Se voluit , plaudens septeno colle triumpho .
 Numquàm lætities cepit sic mœsta ; nec unquàm
 Læta dolens tristi junxit sua gaudia luctu .

Summa tibi tandē, CLEMENS, sit gratia : semper
 Munificæ dextræ laus sit , quo Principe Romæ ,
 Jam tibi , jam sibi , CLEMENTINÆ in funere , compar
 Est tantus decretus honos , jam dignus utroque ,
 Et magnâ dignus Româ : quodammodo jure
 Ut verè Augustis effulserit Illa decoris
 Exequiis Defuncta magis , quàm viva nitenti
 Fulserit in Solio : Tanto Illa est lata triumpho ,
 Tantisque officiis decorata est pompa Feretri .

Materies cantus aliis sit maxima cura ,
 Qua Domini Ecclesiam pascis ; vigilantia summa
 Qua regis , atque Themi non inferiore gubernas .
 Magnificas Ædes , atque alta Palatia Cœlo
 Multa canant alii , plateas , & strata viarum ;
 Atque novam fermè factam , Te Principe Romam :
 Aut alia extollant laudis monumenta perennis
 Millia , suprà omnes laudes . Ego Regia dona
 Atque sepulchrales pompas sumptusque superbos ,
 Largâ ita dextrâ , CLEMENTINÆ in funere , dicam .
 Nulla dies unquàm memori te diluet ævo ;
 Nulla hujus laudes adiment oblivia facti .
 Nostra stupens ætas alii ; venturaque posthac
 Venturæ ætati referet : Te Principe Romæ ,
 Sumptu ita largo , CLEMENTINÆ in funere acerbo ;
 Regifico fuerit cumulatùs more triumphus .

*De pompâ Funeris, & Translatione
Regii Cadaveris.*

EPIGRAMMA.

Quis novus Urbis honos? Celebris quæ pompa triumphi?

Cujus in adventu lumina tanta micant?

Occurrunt Pueri, Populus, Procereſque, Ducesque;

Impatiens proprio limine quiſque ruit.

Anne triumphales, nimium trucis hostis, ut olim,

Palmas, ſeptemplex maxima Roma gerit?

Ponè catenatos traheret cum curribus hostes,

Exultans, inquis, ſic capita alta levat.

Falleris: hic præſens, Româ plaudente, triumphus

Victorum vincit priſca trophæa Ducum.

Tunc furor, hic pietas; cordis pietasq; trophæum hoc

Nobilius, pompâ ſplendidiore, facit.

Iſtius Auguſti, ſi neſcis, pompa triumphi

In CLEMENTINÆ funere facta nitet.

Talis honos fertur, CLEMENS cui mandat honorē(1):

Cultores Fidei tanto in honore micant.

Noſcite longinqui: quantum, hoc ſub Principe, virtus

Excolitur; quantis plauſibus eſtque Fides.

EPI-

(1) Sic honorabitur, quemcumque volueris Rex honorare. (Eſther. 6.)

(XXXVIII)

EPITAPHIUM.

I.

ET gemitus corda eructent, dent lumina fletus:
Urbis, in hoc tumultu, gloria quanta latet!
Saxo cum jaceat quin CLEMENTINA sub isto;
Clauditur in tumultu hoc Urbis, & Orbis honos.

I I.

Hic est, quæ nituit virtutum sede suarum:
Hanc Reginam quisnam ergo fuisse neget?

I I I.

Vistula me genuit: tenuit me Tiberis; & iste
Nunc tenet: en possum dicere, Tibri Pater.
Major uter fuerit, num vis cognoscere Lector?
Primus me terris edidit, iste Polo.

I V.

En hic illa jacet, totus cui viluit Orbis,
Femina: nunc autem Regna beata tenet.
Summè prudentem quis non hanc dixerit? Illa
Namque Polum terræ prætulit, astra solo.

V.

Quam Tellus miratur adhuc, mirantur & astra,
Hic CLEMENTINÆ psalma fiat: ergo colas.

Re-

*Religio, & Justitia.**E L E G I A.*

Rel. **C**Ur quoq; chara nimis sēper, Tu dura fuisti,
 Concilii confors, in mea damna, Soror?
 Cur CLEMENTINAM fato, florentibus annis,
 Viribus es totis Tū quoque nixa, rapi?
 Num decori quanto nobis erat Illa, latebat?
 Gloria vexillis quæ foret Illa meis?
 Ergo dumtaxat nobis dispendia dantur
 Usque adeò; ac Fidei tollitur omne decus?
 Quò tibi longus amor nostri, Themis alma, recessit?
 Fare age: quòve abiit tam cito cura mei?
 Quis Te tunc æstus rapuit, quive impulit ardor;
 Ulla, ibi ne Pietas proxima, verba daret?
 Quis mihi magna adeò reparet dispendia; posthac
 Ut splendor vigeat noster, ut antè fuit?
 Quis mihi? ... *Just.* Prolixas nimiū non jure querelas;
 Chara Soror, miscens irrita verba, facis.
 Quid tibi cum lacrymis? Spargis quid fletibus ora?
 Longūm quid moerens irrequieta gemis?
 Quid? Lætæ Ecclesiæ lucrum, dispendia ducis?
 Debita Coelorum præmia, damna putas?
 Lætitiæ magnæ potiùs, quàm causa doloris
 Sunt CLEMENTINÆ funera: tolle caput.

Exul-

(XXXX)

Exultat Cœlum, Seraphim cohors læta triumphat,

Tali gaudentes funere : Tuque gemis ?

CLEMENTINA diu Cœlo, florentibus annis,

Ematuruerat : debuit ergo legi.

In terris vixit semper quæ pauperis instar :

Divitiis Cœli debuit ergo frui.

Huic obitum similem, mortem nè dixeris esse :

Mors hæc, Divino munere, vita nova est.

CLEMENTINA Polo vivens jam mortua non est ;

Cœlesti effulgens lumine vivit adhuc.

Religionis honos Nati cum Patre supersunt :

Hi tibi splendoris sunt fatis : ergo file.

Quin tibi Natorum si cordi est maxima cura ;

Siste, Soror, lacrymas illicò, siste tuas.

CLEMENTINA, rogans Cœlesti Numine coram,

Iis firmi faciet, sit diadema throni :

Utque feros quatiant pia Cæsar's arma Paganos ;

Et palmas victo Cæsar ab hoste ferat.

Tunc Tibi, consistunt ubi nunc Delubra prophana,

Templa aderunt ; Domino thuraq; sacra dabunt.

Et thymiana tibi redolens per Templa cremantes,

Nubibus obvolvent, inficientque diem.

Sunt hæc Divinæ (nescis ?) oracula mentis ;

Amodò concipies gaudia : tolle animos.

Amodò conspicias Aquilas, Cœlo aspice, toti

Ægeojura mari ponere : tolle caput.

Vistu-

*Vistula Regium Poloniae Flumen,
& Tiberis.*

E L E G I A.

Vist. **E**Rgone tam celeri cursu, florentibus annis,
 CLEMENTINA, mei gloria prima soli,
 Occidit (heù mortis numquàm medicabile vulnus!)
 Occidit ad ripas, Tiberis amice, tuas?
 Sic cito, me miserū! (quantus dolor anget in annos!)
 Mors fera Polonis abstulit omne decus?
 Altera quæ mulier posthàc tam clara per Orbem
 Ipsius, atque meum nomen ad astra feret?
 Currite plorantes ad cærulea, currite lymphæ:
 Et currat lacrymis grandior unda meis;
 Currite præcipites, lymphis plorantibus undæ;
 Et nostri luctus ferte tributa mari.
 Exuperent ripam lacrymosa fluenta per omnem;
 Atque fluat mœstis mœstior unda vadis.
 Currite, ferte meos... *Tib.* Ad quid suspiria tãta hæc?
 Siste tuas lacrymas, Vistula, siste meas.
Vist. Interiere mihi prorsus mea gaudia. Cur non
 Raucifonis undis ad mare mœstus eam?
 Interiit, tota interiit mea gloria. Cur non
 Lugens flebilibus murmure unda vadis?

F

Cur

Cur non Tibri fleam ? Cur non laxentur habenæ
 Fletibus ? Et lacrymis plenior unda fluat ?
 Ne incuses Tibri fletus : nimis alta fuere
 Damna hæc : quin lacrymis compatiare meis .
Tib. Compator lacrymis ; nec damno, Vistula, fletus:
 Tanto perculsus vulnere, iusta gemis .
 Quas Ego tunc lacrymas, quos volui gurgite fletus ?
 Quasve tulit tristes turbidus imber aquas ?
 Sed quid adhuc lacrymæ ? Plorato funere in isto
 Sat lacrymæ ex oculis exiliere tuis .
 Solius numquid periit tua gloria ? Solos
 Numquid Polonos afficit iste dolor ?
 Occidit an non & secum mea gloria ? Quantum
 Heu ! quantum nobis illa decoris erat !
 Quamquã quid dixi ? Decus occidit Urbis, & Orbis:
 Namque amor & species Urbis, & Orbis erat .
Vist. Sollicitas Tibri curas lacrymasque memento ;
 Dum tibi deposui pignora chara mea .
 Corde metum expuleram tradens; rursusq; timebã:
 Solliciti res est plena timoris amor .
 Ah quoties plorans dixi, Tibris optime, serva
 Depositumque tuum, delictumque meum .
 Hanc tibi commendo Natam pignusque: videbis,
 Adversæ nequid fortis in illa cadat .
 Parce metu (Tibris dixisti) Vistula parce ;
 Ne timeas : fuerit maxima cura sui .

Tib.

Tib. Quid facerē? Indocilem flecti num vincere mortē;
 Vincere vim fati vis ne creata potest?
 Ægra laborabat SOBIESKI absumpta tenaci
 Languore; atque ardor febris acutus erat.
 Pontificis Summi jussu, facilisque volensque
 Cum subito Urbs supplex in pia vota ruit.
 Quæ tunc Cœlorum Domino non thura cremavit?
 Vota rogans Cœlo non dedit atque preces?
 Sed CLEMENTINAM Cœlorum Regna manebant:
 Hinc Urbis nihilum vota precesque juvant.
 Postque aliquot luces Latii discessit ab oris;
 Atque brevis vitæ tempore functa suæ est.
 Quis referat Procerum luctus, lacrymasque dolentū;
 Quis CLEMENTINÆ funera quisque gemit?
 Tristantur Cives; vulgus Populusque videntur
 Justitium veluti triste subire suum,
 Urbs tunc sic doluit, molles lacerata capillos;
 Visa ut sit numquàm condoluisse magis.
 Vidisses moestos Urbis per compita Cives
 Mœstitiam tristi fronte referre suam.
 Plorantis Populi lacrymas, fletusque gementum
 (Assiduo mœstis imbre cadente genis)
 Oribus ad summum plenis tunc ipse duobus
 Vix cepi: gemitus copia tanta fuit.
 Non secus, ac quando dilapsis æthere nimbis,
 Alti torrentes montibus atque cadunt:

(XLIV)

Vicinis videor , gemino velut ore feroci ,
Dira reluctanti bella ciere mari :
Sic tumidus lacrymis, lymphas, spumantibus undis
Atque reduntanti margine utroque , tuli .
Sola ejus species , vultus , notumque Cadaver
Ex oculis lacrymas fundere quemque jubet .
Quid referam moestæ pompæ spectacula ; visa est
Queis majestatem vincere Roma suam ?
Vistula , tanta fuit Regalis pompa feretri ;
Roma ipsa ut numquàm viderit ante parem .
Credideris Cives potiùs celebrare triumphum ;
Tantus communis plausus in Urbe fuit .
Funeris Urbs tantâ pompâ , non fata peremptæ
Visa est ; sed festum tollere ad astra suum .
Non secùs , ac Coeli Sanctorum laudibus Illam
CLEMENS Augusto scripserit ante sono :
Olli sic se commendat , sic quisque veretur ,
Sic CLEMENTINAM , fronte cadente , colit .
Vist. Hæc tua tota fuit celebrati pompa triumphi ,
Tibris ; & in pompâ gloria tota tua est .
Tristis , inexpectum lacrymans , Polonia Mater ,
Moesta oculos , vultus , & laniata genas :
De CLEMENTINA quoties fit mentio , plorat :
Scis cur ? Omne decus plorat abesse suum .
Tib. Gloria tota mea hæc fuerit ? Polonia Mater
Quin magis ipsa potest dicere : tota mea est .
He-

(XLV)

Heroum fecunda Parens Polonia , Romæ
Hæc duo SOBIESKI pignora habere dedit .
Alter ALEXANDER , CLEMENTINA altera : in Urbe
Pròh superi ! amborum gloria quanta nitet !
Sed fera mors ambos rapuit , florentibus annis ;
Cruda , juventutis tempore , utrumque tulit .
At morti parcas : tantas , vel florido in ævo ,
Virtutes numerans , credidit esse senes .
Quid verò ? virtus amborum nescia fati
Vivit ; & æternum vivet in Orbe decus .
Tantâ cum famâ moriens hic Sarmata uterque
Telluris matris nomen ad astra tulit .
Sarmata sublimi semper pietatis honore
Splenduit ; inque dies sexus uterque micat .
Parce igitur lacrymis , tristisque expelle doloris
Signa , & lætanti vertice tolle caput .
A flendo abstineat Mater Polonia : Mundo ,
Quà patet , in toto gaudia flere vetant .
Avertat lacrymas oculis : quin læta triumphis ,
Plaudo meis sicut , plaudat & ipsa suis .
Extollatque caput vastum turrita per Orbem ;
Morte hac nam major gloria facta sua est .



Me.

*Melibæus, & Mopsus.**E C L O G A.*

Mel. **M**Opse, quis insolitus tristi de pectore fletus
 Erūpit? Męstusq; genas vultumq; decorū,
 Incomptusque comam, fundis suspiria ventis?
 Cur potius læti (quoniam convenimus ambo)
 Non canimus foetas nostras de more capellas?
 Quis tanti luctus stimulus? quæ causa doloris?
 Num quia dirus heri prædo Lupus abstulit agnam,
 Nunc te tantus habet mœror? Pastoribus istud
 Contingit, scis, sæpe malum. Concede parumpër
 Hùc mecum, atque ambo carmen rurale canamus:
 Alternis cantemus; amant alterna Camenæ.
 Nascentur multæ foetis de matribus agnæ.

Mop. O Melibœe inter socios charissimus omnes,
 O mihi fraterno semper dilectus amore,
 Tristitiæ causam si tu quoque noveris; & tu
 Tristis eris, mœstusque trahes de pectore questus.
 Non sublata Lupo tanti est mihi causa doloris
 Agna: sed erranti in silvâ fuit obvia planta,
 Quæ mihi præsefert semper monumenta doloris.

Mel. Num populata suis malus pulcherrima pomis,
 Quam tanto studio vigilans servare solebas?

Mop.

Mop. Non malus, populata licèt, Melibœe, dolorem
 Hunc faceret. Legi nuper moestissima verba,
 Quæ tribus hinc annis cælavi in cortice fagi,
 Cum lacrymis scribens magnis: & littera rimas
 Servat adhuc, ficco nec se diducit hiatu.

Mel. Et mihi verba feras hæc quamvis moesta, dolori
 Sint licèt illa mihi: socium juvat esse doloris.

Mop. Jam duplex transivit hyems, & tertia jamjam
 Labitur (ipse tenes) quò CLEMENTINA, suarum
 Virtutum quæ laude solum repleverat omne;
 Atque ævo flavens viridi, lætoque juventæ
 Flore, diem clausit moriens (heu semper acerbum
 Tali morte diem! necnon lacrymabile vulnus!)
 Atque ego cum lacrymis tanti monumenta doloris
 Ancipiti ferro scribens in cortice fagi,
 In signum tanti luctus, hæc verba notavi:
*CLEMENTINA diem clausit Regina; Puellæ
 Pastoresque omnes, Dryades, & candida Nais
 Ploremus: Romanæ Urbis decus omne recessit.*
 Forte vagans hodie verba hæc in cortice legi.
 An non est casus tantus plorandus? Et omni
 Non dignum est fletu tantum lacrymabile vulnus?
Mel. Certè est, Mopse, tui justissima causa doloris,
 Jam memini (multo quamvis hinc longius essem)
 Quantum vel pecudes ipsæ sentire doloris.
 Accipe (vix credas) nulla illis moesta diebus
 Ivit

(XLVIII)

Ivit ovis campos, vel graminis attigit herbam;
 Audisses raucas longo stridore palumbes
 Obstreperere, & tristi longos dare gutture fletus;
 Nec gemere aereâ cessavit turtur ab ulmo.
 Rebar ad extremum Mundum properare dierum,
 Extremumque malum non longè fontibus esse:
 Nubibus obducto latè tot fulgura Coelo,
 Crinitique fero aspectu micuere cometæ.
 Cum CLEMENTINAM, summū decus Urbis & Orbis,
 Fatales iniisse vias; suspiria corde
 Multa trahēs lacrymāsque nimis, mihi rettulit Alcon.
 Mœstæ, tunc dixi, te CLEMENTINA bidentes,
 Ipsi amnes mœsti tristi te murmure flebant,
 Mœstaque te flebat turtur, flebantque palumbes;
 Teque vel axe Poli tristes flevere cometæ.
 CLEMENTINA decus Romæ, nova gloria terræ,
 Totius Orbis honos, postquàm te fata tulerunt,
 Quanta boves funesta lues obrepfit in omnes!

Mop. Justum erat, ut quæ se vivens super astra ferebat,
 Nedum terra omnis, plorarent astra peremptam.

Mel. Quis fuit Urbe dolor? Tumuli quæ pompa decori?
 Et quibus exequiis tulit Urbs Regale Cadaver?

Mop. Narravit Lycidas (Urbem nam nulla videndi
 Tunc mihi cura fuit; nec posthàc amplius Urbem
 Ipse adii: quondàm pecudes agnosque ferenti
 Ære gravis multo quamvis mihi dextra rediret:)

(Quo-

(XLI X)

(Quomodo namq; Urbē fubeam, cum nulla videndi
Spes CLEMENTINAM restet? quæ viva petenti,
Dum Christi Ecclesias, Mariæ vel Tempia subiret,
Obvia sæpe fuit: celerem nec corda ferebant
Inde referre pedem: (tantâ virtute tenebat.)
Ergo narravit Lycidas, narravit Amilcon:
Indutam vili tunicâ, Monialis ad instar,
Se, sine pompâ ullâ, tumulo mandasse ferendam.
Non tulit hanc speciem, cui maxima CLEMENTINÆ
Cura fuit semper, titulo ter maximus omni,
CLEMENS; Ecclesiæ in terris qui præfidet omni.
Illi, Regifico jussit de more, parari
Exequias, chlamydēq; dedit, sceptrumq; coronamq;
Indutamque togâ auratâ, Regnantis ad instar,
Ad tumulum ferri voluit: Populoque sequente,
Exequialis honos plausu sic splenduit: Illa
Ut magis in feretro, verè Regina coruscans,
Quàm Solio fuerit, tali comptissima cultu:
Viderit & numquàm similē Tiberis ipse triumphum.

Mel. O mihi quanta refers rerum spectacula, Mopse!

Ambo cantantes igitur de more capellas,
Fac resonent cantus nostri dulcedine silvæ;
Et CLEMENTINÆ laudes super astra feramus.

Mop. Carmina nulla canam; non me cantante, capellæ
Arbusti teneras frondes carpetis, & herbas:
Prodeat & siquod carmen, cum carmine cantus

G

Non

Non nisi tristis erit , cumulans in corde dolorem .

Mel. Mopse erras , durusque meis his vocibus , ipsis
 Durior es silvis , quæ nostro carmine vivam
 Hanc CLEMENTINAM quondam resonare solebant .
 Quid tibi cum lacrymis ? Cœli nam sedibus altis
 Vivit adhuc , multò nobis felicior Illa :
 Corporis exuviis hujus spoliata , coronam
 Virtutum retulit , tantis & præmia factis .
 Hasce tuas potius lacrymas , vel signa doloris
 Mœsta hæc , quàm laudes tantisque encomia factis
 Debita , grata putas ? An non plausisse triumphis
 Ipsam vel Romam , priscum super omne trophæum ,
 Fassus es ipse , suis ? Numquid Virtutibus ejus
 Tu parcus fueris , laudisque tenacior omnis ;
 Dum cantabat heri Corydon , cantabat Alexis ?
 Cantemus laudes ergo , cantemus honores ;
 Et CLEMENTINÆ nomen super astra feramus .

Mop. Fas loqueris , Melibœe comes : do carmine cantum
 Atque libens cedo : sed quæ sublimia factis
 Carmina digna ejus pangam , quæ clara per omnem ,
 Altera Luna velut splendens , sese extulit Orbem ?

Mel. Mopse , licet durum , laudis rurale canamus
 Alternis carmen : carmen pietate probatur .
 Quamquàm non fuerint sic contemnenda , Poësis
 Quæ tua , Mopse , dabit : Nam olim dū viva manebat ,
 Ipsam cantabat dulci tua fistula cantu :

Et

Et dum cantabas (nam tu cantare peritus
 Dulce equidem resonas ; nec te Tymbræus Apollo
 Post quemquam posuit) raptæ dulcedine cantus
 Naiades , Dryadesque omnes audire solebant.
 Non humili furgant igitur tibi carmina cantu ;
 Atque infles doctam , solito de more , cicutam .

Mop. CLEMENTINA , tuis quodnam rurale supremis
 Par meritis carmen fuerit ? Quæ fistula cantu
 Sit potis eximias laudes æquare canendo ?
 Nos tamen hæc , quocumq , modo , tibi nostra vicissim
 Carmina dicemus comites . Silvestria quamvis
 Excipe devotæ modulantis carmina musæ :
 Et qui parva ferunt , noscīs , meliora daturōs
 Si possent ; ferrentque tuum super æthera nomen .

Mel. O mihi tam longæ maneat pars ultima vitæ ;
 Spiritus & , quantum sat erit tua dicere facta !
 Optabam , dudum est : O si mihi venerit umquā
 Illa diēs , mihi cum liceat tua dicere facta !
 En venit , atque licet totum mihi ferre per Orbem ,
 CLEMENTINA , tuum nomen , tua dicere facta .
 Surgite non humili mihi carmina surgite cantu ;
 Omnibus & silvis audiri digna feratis .
 Incipe , Mopse , prior sed tu persolvere laudes ,
 Incipe : pascētes servabit Tityrus agnos .

Mop. Incipio , sociansque tuum , do carmine cantum :
 Ut decori vites ulmis , ut vitibus uvæ ,

Arboribus flores , segetes ut pinguibus arvis ,
 Utque agnæ gregibus , vitulæque ut matribus albæ :
 CLEMENTINA decus Natis , & gloria Regi .

Mel. Ut stabulis pingues vituli , vitulisque juvençę ,
 Ut lacubus pisces , squammosæ ut piscibus alæ ,
 Utque avibus plumæ , tectisque cecropia Hirundo :
 CLEMENTINA suis clarissima gloria Natis .

Mop. Alveariis ut apes , pecudes ut ovilibus ; agris
 Ut molles herbæ , platanique ut collibus altæ ,
 Utque rosæ violis , violaria roscida pratis ,
 Palmitibus botri , stipulis cerealis arista
 Maturis ; ut poma pyris , ut punica malis
 Grana ; volans silvis turtur , pinnisque columba :
 CLEMENTINA suis clarissima gloria Natis ,
 JACOBO Sponso clarissima gloria Regi .

Mel. In lucis laurus pulcherrima , lilia in hortis ,
 Ruribus Urbanis frondens pulcherrima buxus ,
 Montibus assurgens pulcherrima cedrus in altis :
 Cœlesti at specie nunc , CLEMENTINA , nitenti ,
 Ruribus Urbanis frondens pulcherrima buxus ,
 Montibus assurgens pulcherrima cedrus in altis ,
 In lucis laurus cedunt tibi , lilia in hortis .

Mop. In silvis pulchrę Dryades , hilaresque Napææ ,
 Naiades , celebrata Pales , triplexque Diana ;
 Eo rutilans formosus Phosphorus axe :
 Adjunctæ superis ast , CLEMENTINA , beatissimæ ;

In

In silvis pulchræ Dryades , hilaresque Napææ ,
 Naiades , celebrata Pales , triplexque Diana ,
 Eoque nitens cedit tibi Phosphorus axe .

Mel. Dum Libano excelsæ cedri , dum littore arenæ ;
 Dum flores hortis , dum candida lilia campis ;
 Aera avis nitidum , fluvios dum piscis amabit :
 Semper honos , nomenq; tuum , laudesq; manebunt .

Mop. Montibus ante imæ valles , aut vallibus umbræ ,
 Aut umbris rivi deerunt , aut murmura rivis ,
 Quàm nostro Illius labatur pectore imago .

Mel. CLEMENTINA è Cœlo adsis , & ovilibus istis
 Esto libens præsens , & munera respice nostra .
 Plurima certatim læti tibi lilia plenis
 Ecce ferunt Pueri calathis : tibi pulcher Alexis
 Ecce legit violas , quondàm tibi munera grata .

Mop. Fundite ab eoo lacrymatam cortice myrrham ,
 Spargite humum violis , Pueri ; præcingite Sertis
 Hæc aras ; date thura focis , date balsama crini .

Mel. CLEMENTINA , tuis altaria bina quotannis ,
 Tantis tollemus meritis , laudesque canemus .

Mop. Posthæc semper erunt , meritas qui dicere laudes ,
 CLEMENTINA , tuas studeant , & facta referre .
 Serva Tu pecudes posthæc , pecudumque magistros .

Mel. Auspice te nobis , Cœli de parte serenâ ,
 Hortis non flores deerunt , nec vallibus herbæ :
 Fecundis gravidis flavebit campus aristas ;

Pressa

Pressa gemet pendens uvarum pondere vitis ;
Nec mala prægnantes pecudes contagia lædent .

Mop. Tristia lugubri deponite carmina cantu ,
Pascite , ut ante , boves , Pueri : tutabitur istos
CLEMENTINA , lues nec plus obrepet in illos :
Hosque ego cælabo versus ; ut carmina si quis
Captus amore leget , societ modulamine cantum :
CLEMENTINA *boves , pecudes , servavit , & agnos.*

*Pro meritis igitur justas persolvite grates ,
Solvite Pastores laudes , cantate vicissim :*
CLEMENTINA *boves , pecudes servavit , & agnos.*

O mihi si posthæc tantum fatis oris adesset ,
Hoc ut pro merito laudes persolvere possem !
At meliore chely melius cantabitis illud
Arcades , & dignum nomen super astra feretis :
Atque hîc cantabit Corydon , cantabit Alexis .
Mel. Haud equidẽ nemorale sonas , nec carmina agrestis
Te modulata probant cantus . Sed define plura ;
Jam Sol mergit equos , jam pallent montibus umbrę .

Mop. Define non humilem , mea fistula , define cantũ .
Sat cantus modulisque datum : sat carminis esto .
Spero , non multò posthæc , cantabimus Illam ;
Sanctorum fuerit cum fastis scripta beatis .
Ite domum saturæ , nox advenit , ite capellæ ,

(LV)

De Laudibus

MARIÆ CLEMENTINÆ.
PANEGRIS.

HActenùs exequias, celebresq; ex funere pōpas,
CLEMENTINA, tuo, tenuis modulamine musæ,
Diximus; ac mœstæ lacrymas sociavimus Urbis.
Nunc ò, nunc fletus tristes vos ite; querelæ
Ite; piæ lacrymæ, mœstæque insignia pompæ
Ite procul. Major rerum mihi nascitur ordo;
Majus opus moveo: laudes post funera dicam.
Egregias sed quis laudes Virtutis, & altos
Quos merita es semper summos, celebrabit honores?
Quisve adeò sermone potens; cui fluminis instâr
Ingenium par est; cui copia tanta loquendi?
Viribus his major modicis, & Pallade nostrâ
Major es; exiguâ nostrâ majorque Thaliâ.

Religio tu Diva mone, tu Numine magno
Diva tuo Vatem præsens afflare memento.
Dic CLEMENTINÆ Fidei quis zelus! amantis
Quæ pietas animi! devotio quanta! supremum
In Dominum quis cordis amor, studiumq; perenne!
Quis calor orandi superos! in pectore quantus
Cœli ardor! quanto flagrant pectora voto;

Ut

Ut plenè à cunctis fieret Divina voluntas !
 Ante pedes Domini deflexo poplite supplex ,
 Fer Tu , quot lacrymis ac fletibus ora rigaret !
 Quotque diù noctuque rogans absumeret horas !
 Quàm sibi sorderet Tellus ! Cœlestia quantùm
 Appeteret ! cuperetque rogans ex corpore solvi !

Tu secreta feras nobis . Ego publica dicam .
 Publica sed quænam Illius , quæ cuncta tegebat ?
 Quamquàm quid secreta voco , quæ Solis ad instar ,
 Qui Mundi lucem , radios celare nitentes ,
 Vel velit ipse , nequit : nubes licèt invida contrà
 Obsistat ; nubemque inter splendetque nitetque ?
 Sic CLEMENTINAM , Solem virtutis , & Urbis ,
 Totius imo Orbis miraculum , splendida nobis ;
 Non velit Ipsa licèt , demonstrant facta . Nec Illam
 Abdita cella juvat , fuerit vel nubis ad instar ;
 Quin vitæ probitas , Româ spectante , niteret .

Luce palàm , Populo quæ non celare valebat ,
 Ex visis Ego pauca loquar . Sed pauca vel inter
 Cærula , naufragii pallet Ratis ista timore ;
 Mergitur & fermè paucis , vel littore in ipso ,
 Naufraga puppis aquis . Quid , si nimis alta teneret ,
 Et maris immensi , remis audacibus , undas
 Tentaret temerè ? Tu CLEMENTINA secundòs
 Da flatus , ventosque meis da prospera velis ;
 Perque tuum mare decurrentis dirige gressus .

O quam

(LVII)

O quam te memorem, *CÆLI, QUÆ VERTICE LAPSA ES*
INSTRVERE EXEMPLO GENTES, HOMINES QUÆ DOGERE:
AVT CERTE IN TERRIS ADERAS CÆLESTIS IMAGO!

Candoremne prius mirer, vitæque nitorem,
 Munditiemque animi, qua vel Cœlestibus ipsis
 Æmula vivebas terræ? Vel Matris amorem
 Virginis; aut Nati, lacrymas in vulnera dicam?
 Huc, ubi Divinus Panis proponitur, Illa
 Advolat, ac manibus junctis & poplite flexo,
 Aut cadit in faciem; tollit vel lumina ad almas
 Cœlestes epulas. Superi, proh qualis in Illas
 Fertur amans tenerè, quantùmque immobilis hæret!
 Sensibus amissis, veluti substantia simplex
 Altera cœlestis spectantibus esse videtur:
 Tantus inest ardor menti, sive ecstasis Illam
 Abripit; ac, cera admoto velut igne, liquefc it.

Cernite mortales, charone tenacius hæret
 Aut Magnes ferro? Recto vel lumine Solem
 Num Clytie magis aspectat, sequiturque petentem,
 Vespiliove facem, donèc facis igne crematur?
 Hanc videt in Templis orantem Roma, stup ensque
 Num sine carne Illa est (1); vel de cœlestibus unus,
 Inquit, spiritibus Cœlo est delapsa? Videntque
 Orantem Procures, demirantesque sequuntur,
 Exemplo eximio necnon virtutibus, omnes

H

Quos

(1) *In carne ambulantes, non secundùm carnem militamus. (2. ad Cor. c. 10.)*

(LVIII)

Quos trahit Illa suis . An non velut altera Sponfa
Dicere jure potest Sponso , non forte minori :

M E T R A H E : P O S T T E C U R R E M U S ? Romana Juventus
Illius exemplo melior non facta virescit ?

Dixerit Ecclesiæ vel Paulus Apostolus ipse ,
Tempore quippe suo:quod Femina nulla doceret(1).
CLEMENTINA autem nequicquàm hac lege tenetur ,
Ipsius ut zelo fuerit velut irrita . Numquid
Non docet Illa Urbem totam ? Num facta Magistra
Non docuit Romæ Proceres ; ut dicere possis
Præclari Illustres generis , vel mortua , plures
CLEMENTINA docet,doceant quâPergamaRomæ(2).
Sæpe Urbis Primos languentum visere turbas ,
Officiumque illis miræ pietatis habere ,
An non , exemplo assiduo præeunte potenti ,
Reginæ monumenta docent ? Deponere fastum
Vel magnis natæ Soliis , vulgaria plebis
Indumenta palàm Populo gestare ; togasque
Et chlamydes usu tritas vestire ; recenti
A CLEMENTINÆ exemplo non oppidò discunt ?

Moribus Illa etenim propriis vitæque nitore
Quem non instrueret ? quem tantùm suada Magistra
Non doctè imbueret Christi præcepta Sophiæ ?
Exemplo Regina suo virtutis in Urbe

Quan-

(1) *Docere autem mulieri non permitto . (1 . ad Tim . c . 2 .)*

(2) *Iustorum semina quasi lux splendens . (Prov . 4 .)*

Quantus erat stimulus! Namque vel ferrea tandem
 Pectora non traheret pulchræ ad virtutis amorem
 Tanta suæ vitæ probitas: pulcherrima Virtus
 Ad se animos si quosque trahit? Suavissima visu
 Ipsius in vultu fixisse Modestia sedem
 Namque videbatur, pietas visa ipsa. Quis almos
 Illius idcirco in vultus obtutus! & altus
 Quis stupor hinc! Duri in melius præptissima cordis
 Quæ metamorphosis! Niveus quis candor Olorum!
 Quæve Columbarum via lactea ubique renidet!
 Omnis ad exemplum tantæ probitatis, amore
 Virtutis flagrat, divoque accenditur æstu.
 Omnis in hac unâ.... Sed cur hinc singula vobis
 Commemorê? (meministis enim) celeberrima in uno
 Omnia complectar: *Cæleste exemplar in Urbe*
CLEMENTINA fuit tantis virtutibus (1). Una
Omnibus exemplum: vivendi regula magnis
Principibus; mediis vivendi norma Puellis.
 Quas hominum classes exemplo, & moribus almis
 Non docuit Regina suis? *O lapsa docere*
Sedibus è superis Gentes! Huic docta Lycæa
 Cedite Athenarum, Peripati cedite: clari
 Ite hinc Pythagores, procul hinc atq; ite Platones.
 Inclyta SOBIESKI meliorem docta Sophiam,

H 2

Præ

(1) *Se quodammodo perdere, tamquam qui non sit, & omnino non sentire se ipsum, & à semetipso exinaniri, & pendè annullari, cælestis est conversationis. (Ber. traß. de dilig. Deo. c. 7.)*

Præ Peripateticis, Cynicis præ iusibus una,
Præque Platone sciens, fastigia ad alta Sionis
Tendere, Cœlorum docuitque capeßere Regnum.

Quamquàm non doctæ solùm Regina Magistræ
Tanta vices obiit. *Fortis sed Femina*, quanta
Fortitèr Illa adiit: quam blandis Gloria Mundi
Attrahit illecebris nullis; quam nulla merentem
Fascinat ambitio Solii; vel florido in ævo,
Pompæque nulla trahit! Cur non his laudibus ergo
Te CLEMENTINA extollam? *tu flore iuventæ
Florentem mundum despectu mentis abhorres,
Et sæclum calcas* (1). Mundi victoria quanta
Parta sibi est igitur! Victus nihilominus iste
Audeat Illius rursus subvertere sensus.
Fortior Illa tamen vincit: celeremque quadrigam
Ponè catenatum, Populo pœana canente,
Majori victum cogit servire triumpho.
In nunc, Munde, tuas jactes pleno ore Camillas,
Gorgona, Bellonas, Junones, Pallada, Elifas.
Iverit extenso pharetrata Semiramis arcu:
Innarit Tibrim rescissis Clælia vinclis:
Pugnarit, sectâ dextrâ, tot proelia, mammâ,
Penthesilea furens, aliæ quoque Amazones omnes,
Scutata æratis ducentes agmina peltis.

Ex

(1) *Omnia arbitror ut stercora, ut Christum lucrificiam.* (ad Thess. 3.)

Mibi Mundus crucifixus est, & ego Mundo. (ad Gal. 6.)

Cum in se ipso floreret, jam in ejus corde Mundus aruerat. (Greg. hom. 28.)

Ex istis autem quænam sic fortis in armis ,
 Ut CLEMENTINÆ valeat similare valorem ,
 Aut virtute pari victum se ferre per Orbem ?

Nec minùs ista fui, quàm Mundi, Femina victrix
 Extitit . Assiduò , superi , proh quanta , sub Urbis
 Ipsius aspectum , demissio ! quantus in Illâ
 Neglectusque fuit, propriæque oblivio vitæ !
 Quàm facilis cunctis ! Populi velut infima , quanto
 Excipit obsequio subeuntes limina Regis !
 Et quæ Principibus præerat Regina ; quis Illam
 Sæpiùs abjectæ vili vel in ordine plebis
 Non vidit mediam Templis orare , genuque
 Nixo , inter famulos ipsos , subsistere ad aras ?

Ardua sit Mundū res hunc contemnere . Tempus
 CLEMENTINA pede attritum . Se vincere , majus
 Egregium facinùs . Vicit se (1) . *Femina fortis ,*
Cur non hìc clamem ; quin & fortissima , cujus
Finibus à longis pretium ! (2) : fortissima nempè
 Fecit utrumque pari modulo . Sua noctis in atris
 Fax tenebris luxit (3) : vigilantis , lumen ad ipsum
 Apprehendere manus fufum (4) : quæsitæque lina
 Neta .

(1) Fortasse laboriosum non est homini relinquere sua : sed valde laborio-
 sum est relinquere semetipsum . Minus quippe est abnegare quod ha-
 bet ; valde autem multum est , abnegare quod est . (Greg. hom. 23.)

(2) Mulierem fortem quis inveniet ? procul & de ultimis finibus pretium
 ejus (in Parab. Salom. c. 31.)

(3) Non exstinguetur in nocte lucerna ejus . (Ibid.)

(4) Digni ejus apprehenderunt fufum . (Ibid.)

Neta fuere sibi (1): contextis denique in usum
 Induit his nudos. Vectoria cymba vel absens
 Mœrenti panem transmisit (2). Plura quid addam?
 (Tanta ejus pietas fuit) Omnibus omnia facta est.

Miraris Regale decus se munia ad ista
 Dejecisse? Suis manibus, dum sola manebat,
 (Sola tamen nobis valeat si dicier Illa,
 Quæ comitata suis semper Virtutibus ibat)
 Pauperibus futas vestes, & tegmina lini
 Largiri: atque etiam propriis se vestibus Ipsam
 Non semel exuere, ut nudos vestiret egenos:
 Insuper & peplis ostri, phalerisque decoris
 Se spoliare suis, ut Christi altaria adornet:
 Ipsamque interea trita velamina vestis
 Induere: atque manu, qua nata est Sceptra tenere,
 Exonerare colos, & linea ducere fila;
 An non Regina tantæ, vel Principe in Urbe,
 Mos hic persolemnis erat? Largissima semper,
 Queis non Urbe stipem fas est deposcere; quosve
 Longa premit macies, quo clam stipis ære fovebat!
 Pauperis hinc quoties jejuno ventre cadentis,
 Non emptis dapibus suffecta est mensa paratis! (3).

Quid referam vehemens argenti pondus & auri
 Nursino Populo, vasto telluris hiatu,

Exhau-

(1) *Quæsvit lanam & linum, & operata est consilio manuum suarum. (Ib.)*

(2) *Facta est quasi Nivis Institutoris de longe portans panem suum. (Ibid.)*

(3) *Manum suam aperuit Inopi, & palmas suas extendit ad pauperem. (Ib.)*

Exhausto cunctis opibus , quàm maximè egenti ,
Impensum ? gemmas , phaleras , dextralia , in aures ,
Sæpius aut nudo detracta monilia collo ?

Extenuata licèt flammis febrilibus artus ,
Assiduò quantùm jejunia longa trahebat !
Sæpe videbatur squallescens proxima morti ;
Tanta erat in vultu macies : pietate moventur
Astantes : nihil Illa sui . Si funera differt ,
Creditur Angelico dumtaxat vivere Pane ,
Esuriem quo sæpe suam pascebat ad aras .

Longo in lethalis morbi languore ferendo
Vis animi fortis , patientia quanta nitebat !
Obstupet ipsa febris . Duris languoribus ipsis
Fortior exultat gaudens . Quid plura ? sereno
Vultu post annum mortem videt Illa futuram .
Non sic ad thalamum currens lætata triumphat
Sponsa novum : Regni caperet nec læta coronam
CLEMENTINA , libens solii nec sceptrum teneret ;
Ut sibi prævisâ lætatur morte propinquâ (1) .
Ut gestit gaudens ! ut læta , ad sidera palmas
Erigit , atque optat mortali corpore solvi !
Vidisses alacri hac , illac transcurrere gressu ;
Non secus ac cervus muscosi ad flumina fontis
Currit , cui pendet lethalis pectore arundo (2) .

Fit

(1) Ridebit in die novissimo . (Parab. Sal. 31.)

(2) Quemadmodum desiderat Cervus ad fontes aquarum ; ita desiderat anima mea ad te Deus . (Psalm. 41.)

Fit tandèm voti compos, vitamque peractam
Justitiæ addictam, felici morte coronat (1).

CLEMENTINA, pari quonam te carmine adæquē?
Vel quæ digna tuis meritis encomia laudum
Ipse canam? Quamquàm quid Solem lucibus ornē?
Jam tibi, nota satis laudem tua facta perennem
Concinnent, meritique tui fastigia tollant (2).
Posteritas te fera canet: dumque aurea voluet
Astra Polus, memori semper celebrabere cantu (3).
Te chelys Italiæ semper; Te nuncia veri
Fama canet, referetque tuum per sæcula nomen (4).
Intereà, cui musa deest, cui nulla loquendi
Copia, cui nullâ resonat dulcedine cantus,
Sufficiat de Te calamo hæc scripsisse supremo:

RE TAMQVAM VILI, VASTI MODERAMINE REGNI
POSTHABITO, COLVISSE FIDEM, SPRETAQVE CORONA:

Hoc satis, ut meritum cumulatibz laudibus æquem.

VI-

(1) Qui cupit dissolvi, & esse cum Christo, delectabiliter moritur. (August. in Joan.)

(2) Confiteantur tibi omnia opera tua. (Psalm. 144.)

(3) Generatio & generatio laudabit opera tua. (Psalm. 143.)

In memoria æterna erit Justus. (Psalm. 111.)

(4) Memoria Justi cum laudibus. (Prov. 10.)

Immortalis erit memoria illius: quoniam apud Deum nota est, & apud homines. (Sap. 4.)

Cujus memoria in benedictione est. (Eccl. 45.)

In multitudine Electorum habebis laudem. (Eccl. 14.)

In medio Populi exaltabitur, & in plenitudine sancta admirabitur. (Ibid.)

(LXV)

VICTORIA
JOANNIS III.
POLONIÆ REGIS,

Sibi, Filio JACOBO Principe
astante, parta,

*In solvendâ VIENNA, acri obsidione à Turcis
vallatâ, fatali eorumdem internecone.*

E L E G I A.

Venerat Odryseos, armis instructus Eois,
Cerberus, horrendum gutture hiantе latrans:
Venerat aspectum valdè efferus, ora trifulcus,
Sanguineo horribili lumine triste micans.
Atque VIENNALES agitataс cominùs arces
Æribus atque armis bella cruenta ciet.
Jam catapulta tonat, jam crebris moenia pulsat
Ictibus, atque Arci plurimus instat ovans.
Jamque VIENNA pavet bello oppugnata feroci,
Jam perculsa timet, jam prope victa labat.
Heu pietas! Ergo AUSTRIACIS Domus inclyta petris,
Et Caput Imperii magna VIENNA cadet?

I

Nec

Nec fatis: hinc hians ter sanctâ prospicit URBEM,
 Ardet & in Tiberis fonte levare sitim .
 Jam cœptum molitur iter, jam stare videtur ,
 Et Capitolino in Colle locare thronum .
 Jam victor spoliis, prædâque , auroque potiri ,
 Atque humili statuit sternere Tempia solo .
 Christiadum turmæ; fortes , heu ! currite Reges ;
 Obsessâ & tantam pellite ab Urbe luem .
 Currite : Cæsareas Trax barbarus arietat arces ,
 Murosque Augustos trux catapulta ferit .
 Scilicet Augusti Imperii quàm summa potestas
 Eoi , in Mauros , Occiduique ruet ?
 Currite... Quorsû autē trepidus timor occupat artus?
 Atque opis auxilium , subsidiumque peto ?
 Sarmaticis oris fortissimus ecce JOANNES ,
 Præceleri innixus quadrupedante volans :
 Nec mora: confertos vi totâ invadit in hostes ,
 Et propè victrices mox quatit ore manus .
 Ut Leo magnanimus Libycis egressus ab oris ,
 Excutiens armos, excutiensque jubas :
 Fertur in adversas acies ; nigrasque phalanges
 Disgregat , & cæsas deiicit ante pedes .
 Nec ferrum ponit , donèc prostraverit Ultor
 Tergeminum monstrum , tergeminumque caput .
 Non illi, ut Vates , medicatis frugibus offam
 Obiicit : ast pectus transfodit ense ferum .
Odry-

(LXVII)

Odrysis hinc , cunctis Scythiæ pallentibus astris ,
Naufraga sub proprio sanguine Luna perit .
I nunc , & victrix murorum scande ruinam :
Everfisq; aris Urbe potire ferox .
I , pete Germanos bello , captamque VIENNAM
Funditûs evertas , AUSTRIACAMQUE DOMUM .
Sarmaticus Mavors , forti munitus Achille ,
Hæc tibi Sarmaticâ munera ab arce pluit .
I , pete in axe Jovem . Mars Bellicus ecce Polonus
Austriaco hæc præstat tela trifulca Jovi .
JUPITER AUSTRIACUS sic fulminat axe Typhæos :
Sarmaticus sic Mars Rhinocerotâ quatit .
URBE , pari bello quondâm pereunte , Camillus
Sic valido hostiles reppulit ense manus .
Flagrantisque diu truculenti incendia belli ,
Atque arsam , Senonum sanguine , sparsit humum .
Hac igitur palmâ commendet ROMA Camillum ,
Ipsius & clarum nomen ad astra ferat .
Magna , suum Martem , laudabit VIENNA JOANNEM ;
Et clarum nomen tollet ad astra suum .
Ille Redux URBEM suffulsiſſe : Iste VIENNAM :
Victor uterque arces sustinere pias .
Fortior aſt uter ? Ille ruentem ſuſtulit URBEM :
Ter forti Hic Urbem rexit utramque manu .
Humanas ſolûm fortis ſcidit Ille phalanges :
Contudit Hic homines , tartareaſque feras .

Herculis interea quis concinat inde triumphos ;
 Herculis & laudes carmine ad astra ferat ?
 Stantibus idcirco Saliis , Etrusca Juventus
 Laudibus Herculeis astra ferire sinat .
Te Stygii tremuere lacus , te Cerberus Orci ,
Te flegetontææ contremuere fera .
 Jure igitur meliore canam præclara JOANNIS
 Gestæ : habet his etenim fabula nulla locum .
Tu Maurum jugulas Ennem , Tu barbara mactas
Prodigia , & Scythicas confodis ense feras .
Lernæam ferro & flammâ Tu percutis Hydram ;
Tuque Erymanthæum stipite perdis aprum .
 Audi igitur , VIENNÆ , ter Cœlo clarus ab alto ,
 Atque URBIS flexo poplite vota , preces .
Salve chara Deo soboles , decus addite Divis ,
Propitio & nobis Numine dexter ades .
 Salve SOBIESKÆ quàm maxima gloria stirpis ,
 Præsidium Fidei , præsidiumque meum .
 O mihi si valido nunc afforet ense JOANNES ,
 Quàm citò Bistonii cederet ira Lupi !
 Guttura transfossus , tria Cerberus ora sileret ,
 Nec saniem posset lambere lingua suam .
 CÆSAREIS Aquilis caneret nunc ROMA triumphos ;
 Templorumque essent plurima signa tholis .

Vota

(L X I X)

Vota Urbis præsentem intueri JOANNEM,

Post relatum de Mauris , in incrementum Religionis ,
victoriam : Cujus absentia pensatur

Per Præsentiam **MARIÆ CASIMIRÆ**
Reginæ Uxoris ;

PRINCIPUM FILIORUM

JACOBI , CONSTANTINI , ALEXANDRIQUE :

Et postremò

MARIÆ CLEMENTINÆ .

MAGNÆ BRITANNIÆ REGINÆ , NEPTIS :

*Quibus duobus ultimò recensitis , defunctis
etiam condecoratur .*

E L E G I A .

S Traverat invicti fortissima dextra JOANNIS
Æthyopes ; Scythicas contuderatque feras :
VIENNA omnis vertit mansura in gaudia luctum ,
Lætumque extollit vertice tuta caput .
ROMA exultanti plaudit lætata Sorori ;
Proque habitâ palmâ thurea dona cremat .
Hinc ait exoptans : O si foret , ora tueri ,
Copia , Victoris magnanimique Ducis !
Cur mihi non fertur , præsentem ut munera ferre ,
Atque alternanti verba referre queam ?

Præ-

Præstare obsequium, dignasque rependere grates;
 Cernuaque invictam stringere ad ora manum?
 Per quam VIENNA Soror Mauro defensa feroci,
 Per quam turrato vertice floret adhuc.
 Per quam regnat adhuc Romana potentia Mundo,
 Et mea per quam non est temerata Fides.
 Dixerat: ast Illum cœlestia Regna manebant,
 Latura Eroï præmia digna suo.
 Hinc victor plantis sublimibus astra petivit,
 In quibus, æternâ sede potitus ovat.
 Attamen æthereo Solio sublimis ab alto,
 Prospiciens ROMÆ plurima vota piæ:
 Hûc misit locuples Uxorem, Pignora, Neptem:
 Uxor honos, splendor Pignora, Neptis amor.
 Conjugis aspectu, lætantis gaudia ROMÆ
 Lætitiâque animi, quis satis ore ferat?
 Collibus exultans ait: oh, datur Urbe morari
 Dimidiumque sui, delictumque meum!
 Et quoniam veram sectantur pignora Matrem,
 Stipata hinc triplici pignore Mater ovat.
 Fulgidior sicut resplendet Luna, sequaces
 Si trahit Arcturos; Sol licet occiderit:
 Sic juxta Natos excelsior enitet Uxor,
 Astriferas inter ceu nova Luna faces.
 ROMA hîc præteritam, JACOBO Principe viso,
 Lætitiâ duplicans congeminansque suam:
 En,

En , ait , illa manus validissima fortis Achillis ,
 Qua mille Æthyopes interiere truces .
 Immanem , superi , quantâ vi perculit Afrum !
 Quot letho , Odryfio sanguine tincta , dedit !
 Cædibus horribilis quo robore dispulit hostes !
 Quam video , fatis est , hanc mihi nosse manum .
 Regali URBS igitur ditata hac stirpe superbit ;
 Lætitiâque animi nec capit ipsa suam .
 Quid verò ? (res nulla diu mortalibus usquàm est :
 Quæ fit vix perquàm maxima , lapsa cadit)
 Inter ALEXANDER geminata hæc gaudia , acerbâ
 Morte , ævo florens , ultima fata subit .
 Mestæ URBIS gemitus , Procerû lacrymasq; referre ,
 Ploratus Populi , tristitiemque Patrum :
 Ter magnam pendens , qui justâ lance librare
 Jacturam tanti Germinis , ille potest .
 Undecimus Clemens quantùm percussus acerbo
 Hoc fuerit fato ; dicere quis valeat ?
 Regalis testantur adhuc monumenta feretri ,
 Ostenditque fatis pompa decora facum .
 Intereâ URBS omni viduatur stirpe JOANNIS :
 Namque abiit Conjux ; Natus uterque ierat :
 Iure igitur squallens longo mœrore tabescit ,
 Neve finit lacrymis ora rigare suis .
 Ecce autem clarâ tandèm de stirpe JOANNIS
 CLEMENTINA URBEM nobilitare venit .

Exci-

Excipit exultans plaususque ad sidera tollit,
 Et tanto gaudet pignore ROMA suo.
 Atque ait, Hæc Patruï defuncti hîc ante, doloris,
 Abstergens lacrymas, vulnera prisca levat.
 Hæc Aviam pensat, Patruos, Patremq; JACOBUM;
 Hæc quoque (tantâ Illi est gratia) pensat Avum.
 Quid verò? ò nimium labentia gaudia terræ!
 Hæc quoque vel florens ultima fata subit.
 Qui dolor Urbi omni, gemitus lacrimæq; dolentum;
 Qui moeror Procerum, tristitiesque Ducum:
 Qui tibi tunc sensus lacrymanti, maximè CLEMENS;
 Non opus hîc memorem: diximus ante fatis.
 Hoc transisse, nefas: JOANNIS maxima proles
 Utraque CLEMENTUM est tempore functa diem.
 Id fuerit: quoniam vel sint hæc tempora nacti
 Defuncti, & proprios claudere uterque dies:
 Jusserit aut Coelum CLEMENTUM tempora habere
 Sortem hanc: hic calamus scribere nescit iners.
 Quidquid id extiterit: Defunctos, dixero, honores;
 Sortem CLEMENTES non habuisse parem.
 Hisce parentatum postquam clarissimè in URBE,
 Necnon Regifici funeris actus honos:
 JOANNES Cœli nitidis clarissimus astris
 Romæ ait: hoc duplex pignus amoris habe.
 Oscula si vivæ studuisti huic figere dextræ;
 URBE mei hac duplici parte, perennis ero.
Ro.

(LXXIII)

Romam veniente

REGE JACOBO. EPIGRAMMA.

Vade procellosis, crepte Infantule Moses,
Coeli servatus munere sospes, aquis.
Vade: quid obliquis gradiens ambagibus hæres?
Vade, scias, dabitur Sephora Sponsa Tibi.
Vade, propè est tempus, Populâ quo deniq; pressû,
Servili durâ conditione leves.
Vade Britannorum de climate misse Tobia,
Quod facies Raphael diriget alter iter.
Vade peregrinas JACOBEC secunde per oras,
Pulchra Rachel peregrè quæ Tibi nubat, erit.
Vel solo baculo Patriis discefferis oris,
Quanta Redux dives JACOB opima feres!
Vade, Saul hostis fugiens bella aspera, David;
Abigail Sponsum Te pia Sponsa manet.
Vade: quid insidias, metuendaque multa pericla;
Lictores, plagium, furta, necesque times?
Vade, Thronum Patrium per tot discrimina rerum,
Jesiades alter, sorte ferente, petis.
Sic pius Æneas, Patriis à sedibus Hospes,
In Latio invenit fœdera, sceptrâ, toros.

K

Eo-

(LXXIV)

Eodem Urbem ingrediente ,

T A M E S I S

Regius BRITANNIÆ Fluvius

T I B R I M , alloquitur .

E P I G R A M M A .

Siste fatigatas longis anfractibus undas ,
Tybri : tuas magnus nam subit Hospes aquas .
Regia si Latii majestas exulat oris ;

Jam nunc , Tybri , novo Rege decorus eris .
Excipe festivâ venientem fronte JACOBUM ;
Atque hilaris charum pondus , Amice , feras .
Excipias , meritoque Illum venereris honore :

Hei mihi , cui tanto non datur ore frui !
Hunc ubi contuleris magnæ sub moenia Romæ ;
In mare præcipites volve superbus aquas .
Si fueras omnes priùs inter maximus amnes :
Suscepto hoc posthàc Hospite , quantus eris !



(LXXV)

DUO GENII,

Alter TIBRIDIS NYMPHAS;

A L T E R

CLEMENTINAM

Urbem ingredientem alloquitur.

E L E G I A.

Gen. 1. **E**Xere virgineū, glaucis caput exere lymphis,
Siqua pudens Tibris gurgite Nympha lates.
Exeat & tecum Charitum lætissimus ordo,
Naiadum, Dryadum, Nereidumque cohors.
Excipiantque novam venientē murice Nympham;
Et foveant molli languida membra toro.
In Latii terras dum CLEMENTINA propinquat;
Tibridis ad ripas en nova Nympha venit.
Et superi, proh qualis adest! Quantū instar in Illa est!
Haud vidit Cyprus, neve Cythera parem.
Quod decus ore nitet! digna est cui virgo Diana,
Et cedat venerans aurea dona Venus.
Excubat in toto divina modestia vultu;
Angelicum toto spirat ab ore decus.
Quæ species vultus! hilaris quæ gratia frontis!
Ut triplex uno regnet in ore Charis.

K 2

Gen.

Gen. 2. Vade peregrinas Rachel altera pulchra per oras,
Ducat qui dignus te JACOB alter, erit.
Vade puerperio fortunatissima Sancto,
Heroes Fidei quæ duo clara dabis.
Vade Polonorum de climate missa Rebecca :-
Non unus : fuerit Natus uterque Jacob.
Vade, tuis totam repleas virtutibus Urbem ;
Virtutis stimulus stans ibi quantus eris !
Vade, trahes post te tua per vestigia plures ;
Gloria quæ præeat, quæque sequatur, erit.
Vade igitur, Sanctamque subi feliciter Urbem ;
Atque tuæ existat terminus illa viæ.



(LXXVII)

EMBLEMATÀ,

Quibus eximiæ

TUM REGIS JACOBI.

T U M

MARIÆ CLEMENTINÆ,

VIRTUTES VARIIS IMAGINIBUS ADUMBRANTUR.



Fides REGIS JACOBI Corde hospes recepta.

Templa ubi tuta diu, vasto procul Orbe Pagano
Pulsa, habeam; sedem constituamque meam?
Hic tamen à dextris en affitit, ecce JACOBUS:
Iste, reor, Fidei Tempia locumque dabit.

En

En subeas , inquit , nostri penetralia cordis ;
 Non tantâ existant Hospite digna licèt .
 Jam sequor , ingrediens *ponam hoc in pectore sedem* ;
 Et fidi semper pectoris hospes ero .
 Iste vaporanti pro thure calentibus aris
 Par est : proque animis millibus iste fatis .

*Ad Fidem , ut in REGIO JACOBI ,
 & Mariæ CLEMENTINÆ
 pectore consideat .*

EPIGRAMMA.

Ingredere æterni pulcherrima Filia Patris ,
 Filia supremi Numinis , alma Fides :
 Ingredere Istorum Regalia pectora ; dignum
 Augustum hospitium corde in utroque patet .
 Templa tibi quæris , terris expulsa Paganis ?
 Cordibus Hi propriis templa thronumq; dabunt .
 O quàm tuta moras hîc duces ! Altera Nutrix
 Fida erit : atque alter Duxque Comesque tuus .
 Quàm benè te Reges dicuntur lacte fovere (1) !
 Quàm benè Regifico diceris orta toro !

CLE-

(1) *Erunt Reges Nutritii tui , & Regina Nutrices tuæ . (Isa. 49.)
 Mamilla Regum lactaberis . (Isa. 60.)*



CLEMENTINA linea filamentâ expedit ;
 è quibus *Fides* compactis vinculis, è ferrugi-
 neo *Solio* Barbariem lapsam adstringit.

POne supercilium , tumidâ qui mente superbis ;
 Ventosamque auram pone , superbe , tuam .
 Aspice femineam Regali ut pollice tractat

CLEMENTINA colum , linea fila trahens .

Juxtâ astans Illi , celeris vertigine fusi ,
 Turcarum casus netque trahitque , *Fides* .

Odryfio è filis subnectit vincula monstro ;

Quod , videas , pressum colla cadensque ruit .
 Et ferro atque igne Alcides confregerit Hydram :
 Monstra , est , *Odryfeos* plus domuisse colo .

Si tantum valuit , terris dum vixit : in axe

Quid faciet , felix dum premit astra Poli ? Ce-

(LXXX)

*Celebres veteris Testamenti Feminas
vel æquavit, vel imitata est.*

EPIGRAMMA.

TEmporibus priscis fuerit quæ Femina major?
Natos das Isaac Sponsa Rebecca duos.
Sponsa puerperio, ter grandi juncta JACOBO
Rachel; Benjamin quæ paris atque Joseph.
Ut Sponso placeas, si quando compta nitensque
Fers indumentum muricis; Esther eras,
Sifara Jahelis clavo transfossus obivit?
Abstulit & Judith, cæso Holoferne, caput?
Tu sæcli nostri præfortis Femina; victrix
Thracibus abscindis colla, terisque caput.
CLEMENTINA, tuis quàm Te virtutibus effers!
Priscas, par Mulier pluribus, una refers.

*Clariores Regiis natalibus Feminas summo
studio imitari contendit.*

EPIGRAMMA.

EXempli numquid, simili virtute, recentis
Reginas celebres non imitata refers?
Quas tibi præ totâ posuisti mente sequendas;
Atque illis, totis viribus, esse parem.

Mar-

Margarita fuit , necnon Hedwigis , Elisa (1) ;
 Has non es , parili more , secuta Duces ?
 Numquid virtutes proprias hæ sponte dederunt ?
 An furtim dotes subripis una tribus ?

IN IDEM ARGUMENTUM.

Altera si tantum dotes , & prima dedisset ;
 An non tunc , dicas , Sancta bis una , fatis ?
 Diva fatis Coeli Superis queiscunque videris ;
 Non tibi : ni fueris Sancta ter , usque rogas .
 Num Triadem , sicut Sanctos imitaris ? an alma
 Ipsa Trias studium hoc ingeniosa dedit ?
 Quidquid id est : Triadis fuerint vel dona potentis ;
 Aut ardens fuerit plura petentis amor :
 Cordibus o utinam cunctis hæc vota virerent !
 Tunc foret hæc vallis Patria , terra Polus (2) .

D I S T I C H O N .


Omnia prisca , novis cumulans , exempla refarcis ;
 Et docta ex aliis , ipsa Magistra doces .

L

Sum-

(1) Prima Scotia , altera Polonia , tertia verò Portugallia Regina .

(2) ...Paradisus in terris , & in eis degentes Angeli. (Hier. in Reg.mon.)



Summo mane surgit è stratis.

PRæproperet cursu celeri Sol clarus in Orbem,
Afferat ut Mundo, luce nitente, diem.
Expulsis fomnis & spreto stramine, Solis

CLEMENTINA ortum prævenit, atque diem (1).
Quid mirum? Numquid roseis Aurora quadrigis

Non præit Eo, Solis, ab axe, jubar?
Corde vigil Domino semper, *vix lumina claudit*:
Corque Deo advigilans (2) otia longa vetat.

Maxi-

(1) *Deus Deus meus ad te de luce vigilo.* (Psalm. 62.)

Prævenērunt oculi mei ad te diluculo, ut meditarer eloquia tua. (Ps. 118.)

(2) *Ego dormio, & cor meum vigilat,* (Cant. 5.)




*Maximo amoris æstu ad mensam Domini
sæpius accedit.*

REm prope Divinam sicui spectare voluptas;
Aspiciat, quam nunc sculpta figura refert.
Cernat, ut exardens Regina accedat ad aras,
Ut sumit Divas obsequiosa dapes!
Sumit, & accipiens Divo flagrat igne: flagransque
Ardet; & ardorem vix capit Ipsa suum.
Proh Deus! *Iste Calix quàm dulcis inebriat!* inquit:
Fitque mea his epulis quàm satura esuries!
Attamen ipsa fames, Diva hæc dum fercula sumit,
Pascitur; aut crescit grandior annè magis (1)?

L 2

Tere-

(1) *Qui edunt me, adhuc esarient; & qui bibunt me adhuc sitiunt. (Eccl. 24.)*



Teresiam V. imitata, conversionem Mauris deprecatur.


Æ Ternæ lucis splendor, Genitoris Imago (1),
 De vero lumen lumine, luxque, dies:
 Inspice fronte procax, quantâ caligine mentem
 Proh dolor! infelix Thracia pressa jacet!
 Sub Satanæ imperio tenebras pro luce sequuntur:
 Heu tenebræ! heu noctes! heu sine luce dies!
 Pro ratione scelus, vitium pro lege tuentur;
 Est Mahometismus secta nefanda, Fides.
 Lux Mundi tantis tenebris miserere; remotis
 Succedat tenebris lumen, & alma dies.
 Tu qui de tenebris mandas splendescere lumen;
 Ipsius illustres lumina luce tuâ.
 Expellat tandè tenebras, lucemque sequatur:
 Atque unus Pastor sit Gregis, una Fides. *Re-*

(1) *Candor lucis æternæ, & Imago bonitatis illius.* (Sap. 4.)



*Rebus Mundi contemptui habitis, Christum
gloriam suam, Fidem sibi
Coronam optat.*

CHriste decus Coeli, nitidi Regnator Olympi,
De vero Numen Numine, Rexque potens:
Quid mihi cum Regnis terræ? Coelestia cordi
Regna mihi: cordis fidera cura mei.
Aula vale Regni, Solii vos Sceptra valete;
Regia perpetuū blanda Corona vale.
Gloria clara vale mihi: *Tu mea gloria, Christe;*
Atque meum Regnum: Tuque Corona Fides.



*Supernæ Patriæ desiderio flagranti, Divinus
Amor ignito jaculo præcordia transver-
berans, Animæ semitam pandit.*

VIta mei cordis, JESU; mea gaudia JESU;
Dulce melos, nectar, melque suave meum :
Quantus corde sedes ! *Hoc quis me carcere solvet ;*
Hæreat ut tandem spiritus iste tibi ?
Corpore dissolvi cupio : mihi vivere pœna est ;
Atque mori lucrum : mors mihi vita foret .
Hinc Puer armipotens validum in præcordia telum
Injicit ; atque datâ morte triumphat Amor .
Quomodo Mors istud posset succidere flamen ;
Aurea si cedit flamina solus Amor ?
Porro Amor hoc flamen quidni succideret ? Almus
Namque Amor hoc flamen duxit ; Is ergo tulit .

(LXXXVII)

Ad Serenissimos

C A R O L U M

WALLIÆ PRINCIPEM,

ET HENRICUM

Ducem Eboracensem.



INvicti Proceres, fortissima pectora belli,
Magnanimi Juvenes, veri duo fulmina Martis,
Atque novi Fidei Heroes, pia germina Regum,
Digna STUARTORUM Regali Sanguine proles,
CAROLE prima Patris soboles, HENRICE secunda,
(CAROLE spes Patris florens, HENRICE levamen)
Vel minimas tantum vestras quis dicere laudes,
Ut par est, valeat, dignoque extollere cantu?

Non

Non mihi Mœonio fluerent si carmina plectro ,
 Non mihi centenis resonent si vocibus ora ,
 Omnia tot decorum prælustria ferre valerem ,
 Omnia tot laudum præconia currere possem .

Diva Fides Procerum per laudes ire tuorum
 Conanti præsens adsis ; & Numine grandi
 Grandia commemorans , audacibus annue cœptis ,
 Auspice Te , placido jam solvitur anchora portu ,
 Atque per immensi sublimes æquoris undas
 Ire parat : fragilis Tu per maris alta petentis
 Dirige Navis iter ; validis ne concita ventis ,
 Neu fracta in scopulis , sævisque oppressa procellis ,
 Naufraga mergatur : redeat sed littora sospes .
 Nam fari est animus quàm clarâ à stirpe creata
 Hæc pia Progenies , magnus cui junctus IBERUS ,
 Junctus LUSITANUS adest ; conjunctaque MAGNA
 AUSTRIACIS AQUILA est plumis : qui Sanguine ab uno
 Scindunt sese omnes , maternâ ex stirpe creati :
 Præteritis GALLUS thalamis quoq ; Sanguine jūctus .

Creverat invicti Neptis formosa JOANNIS ,
 Jam matura toro , jam plenis nubilis annis ,
 CLEMENTINA : suis quam pro virtutibus unam
 Antiquo Illustris generis de Sanguine natus
 Sarmata quisque petit Sponsam . Majora sed Illam
 Fata vocant aliò , virtutis in Urbe theatrum

Ut

Ut foret ; atque adeò totam latè undique terram
Repleret , complens tantis virtutibus Urbem .

Tunc Petri Navim summâ cum laude regebat
Undecimus CLEMENS : paulò priùs Urbe JACOBUM
Qui , quo par fuerat splendore exceperat ; & qui
SOBIESKI MARIÆ sacrato Chrismate inunctæ ,
Grandis Avi in summi studii monumenta perennis,
Nomen habere dedit , perfungens munere Patris ;
Et CLEMENTINAM proprio de nomine dixit .
Regius Anglorum Juvenis dignusque JACOBUS
Hanc sibi sponderi curat : Cœloque volente ,
Acta hæc , spe citius , valdè licèt ardua , res est .

Jamque triumphali pompâ prope moenia Romæ
Nupta Puella subit , cunctis plaudentibus . Urbis
Gaudia quis referat , tandèm cum læta videret
Principe JACOBO Natam , Neptemque JOANNIS ?
Urbe recens aderat , quam nulla obliviam mentis ,
Neve dies adimant , illius fama JOANNIS
SOBIESKI invicti , cujus de robore dextræ
Sospes adhuc durat , devictis hostibus , Urbs hæc ;
Atque VIENNA Soror Turcâ defensa feroci :
Quando sub proprio demersit sanguine Lunam .
Cum gaudens tota Urbs ait : O datur ora tueri
Atque iterùm spectare , suo de sanguine prolem
Illius Herois , cujus virtute valoris
Turcica captivum non stringunt vincula collum ,
M Non

Non data Prædoni cassis , non læsa potestas .
 Salve chara Deo , Regis plæclara JOANNIS
 Neptis , ter grandis Conjux & digna JACOBI .
 O , Superi faciant , Regali ut juncta Marito
 Non longè hinc decores Regali germine Romam ;
 Atque novo Mater cumules nova gaudia fructu .
 Læta novos Proceres expectat Roma Britannos ,
 Expectatque Fides , tantis plaufura triumphis .

Audierant hæc vota Poli , cum Regia Conjux
 Concepto tumidum præsensit pignore ventrem :
 Jam jamque adventant pariendi tempora . Pupus
 Non JACOB abfimilis , ventris de carcere solvi ,
 Et manibus pedibusque simul se pandere in auras
 Æthereas gestit . Matris cum CAROLE tandem
 Ex alvo egrederis : Natum non pronuba Juno ,
 Non Venus , aut Altrix suscepit Diva triformis ;
 Neve Thetis talo Stygiis immerfit in undis .
 Sed Themis alma suis suscepit protinus ulnis
 Obstetrix : Charites lavarunt flumine puro ;
 Spesque ostro involvit ; Pietas cunabula duxit :
 Religio tandem teneris dedit ubera labris .

Splendida dona sinu , vultu Natura sereno ,
 Munificâ versat dextrâ : pulcherrima Virtus
 Divinas effundit opes . Naturaque tandem
 Se tantum potuisse stupet : stupet ipsaque Virtus :
 Utraque primatum jactans , seque auspice , Natum
 Vult

Vult Te . Naturam sed virtus Vincit ; & Illa
 Se vinci gaudet . Nato Te , fidera lucem
 Infuetam nobis præbent (★) ; Cœloque loquente ,
 Magni aliquid toti visa est portendere Mundo
 Lux Superis astris fulgens . Num gloria Phœbi
 CAROLE , facta tua est Infans ? Aut axis utrique
 Nascenti blandus ridet fulgentibus astris ?
 Maçte igitur virtute Puer , cresce omine tanto ;
 Revera felix portendunt sidera fatum ;
 Regie maçte animis Infans : Sic itur ad astra .

Aspicit Urbs fidus fulgens , loquiturque vicissim ;
 Quis , *repûtas* , erit iste Puer ? Simulacra Deorum ,
 Et sacra Idolis , Domino nascente , ruinam
 Fana tulere . Jugis Scythiæ glacialibus altis ,
 Ac Libyæ cryptis , capitis septemplicis Hydra ,
 Te Nato , trepidare artus , formidine casum
 Anticipare suum , proprioque pavescere in antro .
 Hinc ait : Hic ille est Heros , quem fata cadenti
 Mox mihi laturum portendunt ense ruinam .
 Nec spes ulla fugæ nobis ; non ense minaci
 Ensem , nec fatis contraria fata repellam .
 Dum sic illa gemit ; quantum te Roma superbit
 Exultatque animis ! Secumque Britannia quantis
 Surrigitur votis , Cœlo capita alta ferendo !

M 2

Utra-

(★) *Qua hora Princeps CAROLUS nascebatur , summa totius Urbis
 admiratione , fulgidissimum fidus in Cælo visum est .*

Utraque in hoc ortu sese solatur . Inani
 Nec spe frustratur sperans : nam lucis in ipso
 Fortis vestibulo , Patrio vix natus in ostro
 Vagitus fundis nullos : vel gutture fletus
 Si promissis , bella Æthiopi fatalia monstro
 Infans præforti dextrâ ; non Herculis instar ,
 Res sed præclarè gestas imitatus avitas ,
 Flendo paras ; quave arte vales , indicere bellum ,
 Voce movere acies , Martemque accendere discis .
 Lactis adhuc , cunas tener indignatus inertes ,
 Reptasti per scuta , Puer : Jam trimus ovari
 Indueris galeâ , lateri jam porrigis enses ,
 Jam clypeo lævam munis , jam dirigis hastam .

Bellica quæ virtus ? Atavis quæ gloria priscis ?
 Qualis JACOBUS , quantusque HENRICUS in hostes ?
 Major uter fuerit ? quo Rege Britannia tandem
 Clarior extiterit , vastum turrita per Orbem ?
 Hæc sunt , quæ primis Juvenis scrutatus in annis ,
 Patre pio monstrante , petis . Nil optimus Ille
 Gratius aspexit retrò actâ luce dierum ;
 Quàm quod virtutum stimulis melioribus ardes ,
 Quodve animo mactus forti , Te florido in ævo
 (Tanta nitet virtus) Atavis potioribus æquas .

Majestas vultu residet , nitet ore venustas ;
 Atque decus Regale nitet , gravitasque , leporque .
 Quæ propior Scepbris facies ? Quis dignior aulâ
 Vul-

Vultus erit : Regnum poteras hoc ore mereri .
 Grande decus Regem nasci , fierique merentem
 Majus : utrumq; simul summum . Te Principe in uno
 Splēdet utrumq; decus summū : namq; auspice Cēlo,
 Et Regem Virtus faciet , Naturaque fecit .

Degeneres animos timor arguat : ò quibus hostes
 Vel nunc spiritibus terres ! Ad Regis honores
 Invenies virtute viam , Genitricis ab astris
 Adjutus precibus . Stimulis exempla tuorum
 Te quantis urgent ! Summū quoque maxima Regni
 Gloria calcar habet : nec Te præclara JOANNIS
 Fama latet , summo Coeli qui clarus ab axe
 Martia bellanti tradet præcepta Nepoti .
 Illius exemplo motum juvenilibus annis
 Quo zelo pectus flagrat ! quæ Martia tecum
 Bella putas animo ! quantus confurgis in hostes !
 Quantâ vi traheris ! quantoque accenderis æstu !
 Vix animum Natura capit ; stupet ipsaque Virtus .
 Sola Fides animum nescit : namque illa creavit
 Tantos corde animos , tantosque illa addidit æstus ;
 Atque suum Heroem fecit : quo sospite , monstrum
 Immanis Scythiæ , Coeli fulgentibus armis ,
 Proteret invictâ dextrâ : namque arma paravit ,
 Quæ non ignivomis vastæ fornacibus Ætnæ ,
 Iliaco Æneæ , magni Tibris arva petenti
 Brontes , ac Steropes , & nudus membra Piræmon
 Edi-

Ediderint: Coeli ast ipsis incudibus almis
 Ipsa Fides opifex fecit, Themis alma recoxit.

Eja age, magnanimus supra femur ense potenti
 Cingere (1), & adversos hostes pro viribus urge:
 Atque superbificâ possessâ sede revulsum
 Cimmerium proprio fodito mucrone Tyrannum.
 Indue jam Proavos, atq; indue mente JOANNEM:
 Hunc sequere, hunc spectans imiteris pectore forti.
 En vocat, & validis compellat vocibus ultrò:
 Niliacas, i, sterne acies: i, comprime plantis
 Turcarum Lunam. Byzanti expelle rapaces
 Intrusos Solio: Satanæ disrumpe catenas,
 Atque tuos, fractis Mauris, extolle Britannos:
 Jamque astra expectant, expectat Roma triumphos.

Et quoniâ Procerum bellis unita duorum
 Fortior est virtus: sis ut fortissimus Heros;
 Jam prîmi nondùm tetigisti limina lustrî;
 Alterius, Romæ votis, cum germine prolis
 Est secunda Parens, digno tibi Fratre creato,
 Exornans Urbem geminâ, cum prole, coronâ.
 Tuque HENRICE decus terris adnascere; & qui
 Fratri par Frater, Patrisque simillima Imago,
 Ore refers ambos, ambos virtutibus æquas.
 Digna Patris soboles, teneris vel Parvulus annis
 Nil puerile sciens, virtutum attingere culmen

Vi-

(1) *Accingere gladio tuo super femur tuum, potentissimè. (Psalm. 44.)*

Vifus fponte Puer , plenus gravitate fenili ,
 Confilioque potens , nunc & par Sceptra tenere .

Infigni afpectu vultus atque ore venufto ,
 Nefcio quæ præftans renitet pulcherrima virtus ,
 Et plusquàm mortale ferens . Si ludicra pugnans
 Pulvere in exiguo parvus certamina ducis ,
 Jam non exercens ficto fub Marte paleftram :
 Mars fed in ardenti congressu verus in hoftes
 Proelia bellanti dextrâ , victricia figna ,
 Milite ftipatus , cuneos aciesque videris
 Ducere ; perque agmen , laniantis fulminis inftar ,
 Enfe uti : cædesque , manu , Crucis hoftibus ardens
 Fulmineâ deferre : fluit queis Tigris in oris ,
 Quà fcetet Euphrates , rapidus quà Nilus inundat .

Ergo age , rûpe moras , pugâs age bella : quid ergo
 Ultrâ quid ceffas ? virtus hæc tanta , fub umbrâ
 Quàm lateat tacita , eft major : cum Fratre fodali
 Conjuncto lateri , ftricto mucrone recluso ;
 Vel tecum Ille fui gladii fulgoribus : ambo
 Plusquam Scipiades , magni virtutibus ambo ;
 Ite per extremam Libyam : Parthumque feverum
 Fatali jugulate manu , jugulate ferocem
 Barbariem : Lunamque fuo fub fanguine mersam
 Scindite fublimi plantâ : pefcundate dirum
 Maurorum Solium : Reduces vexilla fubaâta ,
 Barbaricis captis fpoliis ditatus uterque ,

Ur-

Urbem victores referatis signa triumphî ;
 Quæ suspensa tholis, vestri præclara valoris
 Posthac venturæ ætati monumenta supersint.
 Ite, reluctanti, memores virtutis avitæ
 Carpathio, Scythicoque freto, Geticoque frementi
 Ponite fræna mari: validum fortemque tridentem
 Tollite, & imperio tantos compefcite fluctus.
 Thracius, Assyrius quidquid complectitur axis
 Vestri juris erit. Timeat qui forte repulsam
 Forfan erit; Solio quoniam non Natus avito
 Advena uterq; est vestrû? An non hac sorte vel Ipse
 Romulus à Patrio Regno cum Fratre Quirino
 Longè ortus? Romamq; tamen non condidit Urbem
 Orbis Reginam: tanti quæ Filia Patris
 Armorum, legumque Parens, caput extulit astris;
 Solque ubi confurgit, gelidis ubi mergitur undis
 Protulit imperium? Numquid virtute minori
 Heroes fuerint Fidei; cum maximus illis
 Accrescet cum stirpe valor? BORBONIA PROLES
 Magna fati, vastumq; nitens tam clara per Orbem;
 Ac AQUILAAUSTRIACIS regnâs ter maxima plumis,
 An non cognatis Signis victricia semper
 Arma dabunt, aciesque ferent? Vexilla volare
 Jam video; adversas hostis videoque phalanges
 Non fictâ trepidare fugâ; monstrumque superbæ
 Odryseos, palmas vinctum dare colla catenis.

NA-

(LXXXXVII.)

N A S C E N T E

C A R O L O,

Sidus infuetæ lucis in Cœlo enituit ,

Cui additur poeticus de pallore Lunæ conceptus .

E P I G R A M M A .

CAROLUS has superas nascens vix prodit in au-
Sideris ecce novi fulget in axe jubar . (ras)

Sol novus æthereis veluti prodisset in oris ;

Ætherei in plausus exiliere Chori :

Astra recens nato Puero risere ; Polusque

Est visus vultu splendidiore nitens .

Sidereos inter (quis credat ?) sola triumphos

Luna dolet ; gelido pallida fitque metu .

Ne mirere tamen ; venturi præscia casus

Turcarum Turmis , nonne timere potest ?

Præteritos ab Avo casus secum ipsa recordans ,

A Nato similes , quo vereatur , habet .

Ast Cœlo , Pueri , relegendi in fronte triumphos ,

Sidere nonne novo causa nitere fuit ?

CAROLE macte animis igitur ; cresce omine tanto :

Astra ferunt Martem , frons probat esse Jovem .

N

M.1-

(LXXXXVIII)

Majestati Catholicæ

J A C O B I I I I.

Magnæ Britanniaë Regis.

O D E.

Urbis ò splendor, decus ò Britanni
Regium Cœli, Superis amicum,
Inclytum Germen, sobolis STUARTÆ
Gloria Princeps:

Exteras oras recolens ut Hospes,
Numquid es Terrâ Patriâ remotus? (1)
Omnis est (nescis?) Homini valenti
Patria Tellus.

Imo Regali Solio vel absens,
Nonne Rex regnas dominans? Supremo
Nonne primatu frueris, decora
Sceptra potitus?

In throno dotum renitens tuarum
En sedes: illæ famulantur omnes;
Atque virtutum, studio faventi,
Turba coronat.

Ipse

(1) Virtus in tempestate lævâ quiescit, & pulsa loco, manet tamen, atque hæret
in Patriâ. Cic. *pro Senio*.

*Ipse Tu Regnum, diadema, sceptrum,
 Ipse Tu Regis dominans voluntas:
 Victor hinc temet moderans, perenni (1)
 Pace gubernans.*

*Alter ut Titan jubaris perennis,
 Siderum claro minimè Senatu
 Indigens, semper propriâ coruscus
 Luce renides (2).*

*Sic Deus pacis, finiles ubique
 Qui sibi Reges voluit, creatis
 Vel carens cunctis opibus, sibi ipsi
 Sufficit unus.*

*Imperent Regnis alii: potenti
 Lege Tu mentes moderas; velisque,
 Respicias, nobis meliore victor
 Sorte triumphas.*

*Namque Virtutis videat quis alma,
 Vel semel, vultus nitidos & ora,
 Non & illius speciem venustam
 Diligat ardens?*

*Prospera ò Tellus, folio sedentis
 Quæ tuis jussis famulans subesse;
 Te regi & felix, valeat quod exin
 Principe Regnum!*

(1) Ipsi sunt Reges Magni, qui tentationum motibus non consentiendo succumbere, sed regendo præesse noverunt. *Ven. Bedæ lib. 3. cap. 43. in Luc. 10.*

(2) Virtus splendet per se semper, nec alienis umquam fordibus obsolescit.
Cic. Cic. pro Sexio.

(C)

*Tunc suos Cecrops taceat Solones,
Sparta tam claros taceat Lycurgos:
Aurea baud ipsum Latium vetustum
Sacula jactet.*

*Rege Te Regnum regeret Paterna
Molliter pastum Pietas: amatis
Et Themis quantâ Populis amatâ,
Jura darentur!*

*Gratius nullum caderet, tenente
Rege Te sceptrum, Thetidi Britannæ;
Quâm piâ tanti Ducis, atque Patris
Lege teneri.*

*Vix jugum legis subiens suavis,
Subditus parens, sibi Te Parente,
Dulcius subdi foret, an præesse
Nescius ipse.*

*Maximum sumant decus à regendo
Ceteri Reges Populos volentes:
Num minor Regis folio carentis
Gloria splendet?*

*Invidè Solis faciem nitentem
Nubila obtrudant, radiosque celent:
Numquid obductus tenebris, minori
Luce coruscat? (1)*

Non

(1) Virtus lucet in tenebris, splendetque per se semper. *Ibid.*

Non tibi Regni diadema clarum,
 Majus afferret decus atque lumen;
 Quàm quod à cunctis Populis amatus,
 Optimus edis.

Vir satis felix, satis & beatus,
 Cui data est, Divùm placito volente
 Digna Te Sponso thalami jugalis.
 Femina tanta (1).

Pār fuit Virtus utriusque: solus
 Dignus es visus Superis, ut Illam
 Duceres: nullo, nisi Te, Puella
 Digna Marito.

Mutuo amborum stimolata virtus
 Crevit: unius meritum precesque:
 Alterum juvit: pius hinc in Urbe
 Claret uterque.

Luminis, Phæbus, Pater atque lucis
 Feneret puræ radios Sorori.
 Fratris hæc, pleno coeunte cornu,
 Luce nitefcatur.

Inter at vestræ probitatis æstus,
 Phæbus an Lunæ tribuat nitorem;
 Luna vel Phæbo: dirimat quis æquā
 Lance problema?
 Urbe

(1) Mulieris bonæ beatus Vir. *Ecc.* 26. Nullum proba uxore melius unquam obvivire potest. *Greg. Nazianz.* *Orat.* 19.

(CII)

*Urbe dum splendens fuit hic uterque ;
Unus amborum nituit per Orbem
Splendor : amborum jubaris nitentis
Unus & haustus .*

*Altior verò petiit beatam
Luna dum sphaeram , tenuitque summi
Solis ardentis radios , & almâ
Luce coruscat :*

*Solis aeterni propior micanti
Currui ; Phæbo , medio relicto
Axis , & lucem Geminis , beatis
Mittit ab astris .*

*Solis hinc Phæbe radiat nitore :
Phæbus atque astris Geminis propinquus ,
Et duplo major , nitidus corusco.
Lumine splendet . (1)*

*Maxime , hinc tantis radiis , JACOBE ,
Orbe adhuc degens , probitatis auctus ,
Lucis es miræ triplici coronâ
Tempora septus .*

*Grandis est Regni Patrii Corona ,
Major est Sponsæ Pietas probatæ ;
Sed tuæ vincit Fidei supernæ
Magna ter ambas .*

Ergo

(1) Erat lux Lunæ sicut lux Solis , & lux Solis erat septemplex sicut lux septem dierum . Jâ. 30.

(CIII)

*Ergo lætare his modulis, amaros
Pelle jam questus, lacrymasque tergæ;
Atque crudelis medices recentis
Vulnera mortis.
Interim Prolem refovens, Paternis
Moribus formes, doceasque Matrem;
Atque ad æternum Fidei triumphum
Pignora serves.
Sedibus tandem renitens beatis,
Mille post annos, geminumque Natum,
Te throno in Cælis cupiens sereno
Sponsa moratur.*

F I N I S.



MAG 2022235

Die 19. Maj 1942

John